

宋

會

要

大典卷一百
五十九又卷
一萬六千九
百八十

宋會要 三公三少

大典卷一百六十九

舊為三公三師政和二年改三師為三公又增三少神宗治平四年正

月十九日乙卯仁宗大元開府儀同三司守司空兼侍中昭又館大學士

監修國史兼詳經潤文使魏國公韓琦守司徒兼校太師兼侍中判相制

仍詔出入如二府儀熙寧二年七月奉臣曾公亮韓琦並預言臣等擬

舉向國是深乞不阻恐二以為有創而公亮奏臣嘗建司空琦太師三公

非賞旁之官從之三年九月十三日開府儀同三司行尚書左僕射

兼門下侍郎同中書門下平章事昭文館大學士監修國史兼詳經潤文

使魯國公曾公亮守司空檢校太師兼侍中河東三城節度使集禧觀使

公亮在相位十年及七年致仕弗許及是上御集英殿策進士午漏下上

移御需雲使生延輔臣改茶公亮陟降殿陛足缺外于地中族命左右按

起之明日以病告乃有是命仍詔五日一朝大鑾紫街曹佺上出入如二

府儀示優恩云六年四月二十六日樞密使開府儀同三司守司空檢

校太師兼侍中潞國公文彥博守司徒兼侍中判河陽仍詔大勅紫街曹

佺上出入如二府儀又詔彥博嘗受先朝顧命今罷歸府宜依舊公亮例

罷相推恩九年八月五日開府儀同三司檢校太師守司徒兼侍中判

五字寄據
大興一萬七千
二百四十九引
續會要校補

大名府潞國公文彥博守太保兼侍中再任彥博拜太保乞受所加封
邑再任從之元豐三年三月二十六日景靈宮使開府儀同三司檢校
太尉兼侍中曹佺為檢校太師守司徒兼十番令充景靈宮使仍詔出入
如二府儀公使事給見錢後母得為制又給宣借人兵五十人九月十
七日詔檢校官除三公三師外並罷國朝之制檢校官一十九三公三
師六左僕射至水部員外郎共十三官制行左僕射以下皆為職事官故
罷之凡三公三師除授司徒選太保選太傅選太尉太尉選太師檢
校如之二十七日河東節度使檢校太師守司徒兼侍中判大名府
潞國公文彥博兼侍中除守太尉開府儀同三司判河南府政事大禮軍
臣以下惟加恩至是因改官制故彥博等特建官以承之閏中二十
守太尉開府儀同三司判河南府潞國公文彥博為河東節度使
校太師守司空開府儀同三司致仕韓國公富弼守司徒以故奉天政事
王堯臣守水部員外郎同老言先臣至和中恭預朝政以仁宗不豫與宰
相文彥博富弼等數於上前請立英宗為嗣有定策功故有是命而彥博
固辭而鎮止加褒貶定封六年十一月十三日太尉河東節度使開府
儀同三司太原尹判河南府潞國公文彥博守太師充河東永興軍節度

致仕于是彦博免守太師及兩鎮節度上批許罷兼永興軍節度止以河
東舊鎮守太師致仕仍貼麻行下○八年三月二十七日彰德軍節度使
觀文殿大學士集禧觀使特進荊國公王安石加司空中太一宮使護國
軍節度使檢校太師守司徒同府儀同三司河中尹清陽郡王曹伸守太
保哲宗元祐元年四月十五日制以河東節度使守太師開府儀同三司
太原尹致仕洛國公文彦博除太師平章軍國重事仍令兩司擇日修禮
冊命詔賜彦博曰可一月兩赴經筵六日一入朝因主都堂與執政商量
事如遇有軍國機要事即不限時日並令入預奏決其餘公事只委僕射
以下奏書發遣雖賜依宰臣例○五年二月十三日制以太師平章軍國
重事文彦博罷守太師開府儀同三司河中興元尹充護國軍山南西道
節度使致仕彦博乞傳冊禮詔允所請○徽宗崇寧三年五月七日左銀
青光祿大夫守尚書左僕射蔡京特授司空行尚書左僕射進封嘉國公
撫定都廓賞也○大觀元年十二月司空尚書左僕射兼門下侍郎蔡京
除太尉以廣南西路夜郎康居之屬納土○二年正月八日太尉尚書左
僕射蔡京為太師○政和二年五月十三日太師楚國公致仕蔡京落致
仕依前太師楚國公三日至都堂治事○九月二十九日詔新置三公

寄葉大興
卷一萬七千
二百四十九云
置於校官

卷一萬七千一百一十八

師新官太師舊亦為太師新官太傅舊亦為太傅新官太保舊亦為太保此古三公之官為宰相之任今為三師古無三師之稱合依三代為三公論道經邦受理陰陽官不必恪惟其人為真相之任新官三少舊為三公新官少師舊為太尉新官少傅舊為司徒新官少保舊為司空太尉以下舊為三公緣司空周六卿之官非三公之位乃今之六曹尚書是也太尉秦官居主兵之任亦非三公太尉司徒司空合罷並依周制立三孤之官乃次輔之位三孤貳公洪化寅亮天地或稱為三少為次相之任詳見官制卷一月二十八日司空尚書左僕射兼門下侍郎何執中為少傅改太宰兼門下侍郎。十二月太師楚國公蔡京進封魯國公以受元圭也。六年四月八日少師太宰兼門下侍郎蔡國公何執中可特授太傅致仕依前榮國公五月九日特進知樞密院事鄭居中特授少保太宰兼門下侍郎。八年七月二日特進少宰兼中書侍郎余深特授少保封豐國公西夏奏授賞也。同日起復少保太宰兼門下侍郎鄭居中特授起復少傅西夏奏授賞也。八月四日新除檢校太尉江寧軍節度使開府儀同三司領樞密院事陝西河東河北路樞密使成國公童貫特授太保河東節度使改封涇國公以進築夏國三城賞也。宣和元年二月二十二日

寄葉大典一
萬不五言
十三作少保

特進知樞密事鄧洵武特授少傅錄首陳紹述之功也。七月十日太保
河東節度使領樞密院事陝西河東河北路宣撫使涇國公重賞特授太
傅山南東道節度使夏人納款賞也。九月十四日御筆卿居中已除少
傅威武軍節度使佑神觀使光神霄玉清萬壽宮使進封崇國公所有應
干恩數請給并差破使臣人吏諸色祇應人等並依宰臣例施行明堂立
班在少宰之下從吉日令東上閣門降告訖朝見上殿冬祀陪祀仍許令
先次赴受誓戒。二年九月二十五日少保太宰兼門下侍郎衛國公余
深特授少傅修舊宗是錄成推恩。十一月八日詔余深已除少傅鎮西
軍節使知福州其法格未有該載三少帶節度使知州府明文所有恩數
公使差破使臣付尉等可並依卿居中已得指揮施行如有未盡事件許
條畫開奏。十三日特進少宰兼中書侍郎王黼特授少保太宰兼門下
侍郎。三年八月十三日太傅山南東道節度使領樞密院事江浙淮南
等路宣撫使並同公重賞特授太師劍南東川節度使進封楚國公平方
臘也。九月五日少保太宰兼門下侍郎王黼特授少傅平方臘也。同日少
傅威武軍節度使領樞密院事鄭中居特授少師宿國公平方臘也。四
年正月七日淮康軍節度使開府儀同三司蔡攸特授少保鎮海軍節使

在

寄書大
典卷一百
五十九作
太保

寄葉儀同下
應有三司二字
南朝宋齊梁陳
有同府儀同不加
三司字者趙宋
聖制

寄據大興卷
一萬一千五百八
十三補一日二字
又忠厚作仲
原

路宣撫使韓世忠除少保。十九日起復檢校太尉寧武軍國軍節度使
開府儀同三司充江南西路宣撫使劉光世起復除少保。六年十二月
十四日崇信奉寧國軍節度使開府儀同三司充江南東路宣撫使張俊
除少保。七年三月十九日鎮南軍節度使開府儀同三司充浙西安撫制置
大使兼知臨安府呂頤浩除少保。二十二日少保護國鎮安保靖軍節
度使充淮西路兼太平州宣撫使劉光世除少師充萬壽觀使進封榮國
公。同日少保鎮洮崇信軍寧國軍節度使充淮南西路宣撫使張俊除少
保。九年正月八日少保橫海武寧安化軍節度使充京東路淮南東路
宣撫使置使兼節制鎮江府韓世忠除少師。十年五月六日少保護國
鎮安保靖軍節度使充萬壽觀使劉光世除太保。六月一日少師橫海
武寧安化軍節度使充京東路淮南東路宣撫使韓世忠除太保。同
日少師鎮洮崇信奉寧軍節度使充淮南西路安撫使張俊除少師。同
武勝定國軍節度使開府儀同三司充河北京西路宣撫使岳飛除少保
十一年七月鎮潼軍節度使開府儀同三司判紹興府充浙東安撫司信
安郡王孟忠厚除少保。十一日特遣尚書左僕射秦檜除少保。二十
三日少師樞密使濟國公張浚除太傅進封廣國公。十一月太保樞密

寄葉大典卷
一萬一千五百八
十三作存中下
同

寄葉大典卷
一萬一千五百八
十三作少保

使韓世忠除太傅。十二年三月檢校少保保成軍節度使開府儀同三司楊存忠除少保。九月十五日少保尚書左僕射同中書門下平章事兼樞密使異國公秦檜除太師改封魏國公。十一月少保鎮潼軍節度使信安郡王判福州孟忠厚除少傅。十四年六月七日威德軍節度使開府儀同三司充萬壽觀使高世則除少保。十月十八日昭慶軍節度使開府儀同三司充萬壽觀使平樂郡王章淵除少師。十五年十一月二日檢校武寧軍節度使開府儀同三司充太一宮使錢忱除少傅進封康國公。十六年十一月二十三日檢校少傅昭化軍節度使開府儀同三司充醴泉觀使駙馬都尉潘正夫除少保。十七年十月十九日少保寧遠軍節度使兼領殿前都指揮使楊存忠除少傅。二十一年十月十六日晏氏靖難功臣太傅靜江寧武清海軍節度使充醴泉觀使清河郡王張俊除太師。二十二年正月十一日少師昭慶軍節度使充萬壽觀使章淵除太保。二十三年正月十三日太保昭慶軍節度使章淵除太傅。二十四年十一月二十六日少傅寧遠軍節度使領殿前都指揮使職事楊存忠合得恩數特予依樞密司例施行。二十六年正月十六日少傅寧遠軍節度使充醴泉觀使信安郡王孟忠厚除少師判平江

府。二十七年六月少保瀘州軍節度使光中太一宮使崇國公錢忱除少傅。二十八年二月二十一日少傅寧遠軍節度使兼領殿前都指揮使職事恭國公楊存中除少師。二十九年正月奉國軍節度使開府儀同三司領御前諸軍都統制職事光利州西路安撫使判興州吳玠除少保。三十年三月六日保康軍節度使開府儀同三司吳玠除少保以顯仁皇后攝宮總攝事畢。三十一年二月十一日少師寧遠軍節度使兼領殿前都指揮使職事恭國公楊存中除太傅進封同安郡王充醴泉觀使仍奉朝請。十二月少保奉國軍節度使四川宣撫使領御前諸軍都統制職事光利州西路安撫使判興州光陝西河東路招討使成國公吳玠除少傅。孝宗紹興三十二年乙卯位未度元七月八日特進觀文殿

大學士判建康府詔行宮留守再一措置兩淮事務兼措置淮東西建康鎮江府江淮池州軍馬和國公張浚特授少傅進封魏國公浚以權使密都督江淮軍馬入朝奏事雖有是命。二十一日少保保康軍節度使光武壽觀使吳玠特授少傅依前保康軍節度使進封大寧郡王充醴泉觀使奉朝請並妻王氏狀乞依楊存中昨除少傅日妻趙氏與請給事。九月二十八日吳玠奉國軍節度使四川宣撫使領御前諸軍都統制光武

等業大典卷
一萬五千五百
三十一少保

卷之六

五

州西路安撫使判興州陝西河東路宣撫招討使成國公吳璘特授少保
十月十九日安德軍節度使龍神衛四廂都指揮使鎮江府駐劄御前諸
軍都統制張子蓋特授少保以收復海州之功故也。隆興元年五月二
十三日武安軍承宣使主管建康府駐紮御前諸軍都統制開國侯邵宏
淵特授檢校少保寧遠軍節度使進封開國公。十二月三日尚書左僕
射兼樞密使信國公陳康伯特授少傅觀文殿大學士追封福國公判信
州制書當國家多事之時專廟廟萬微之寄心如金石勲在非常朕方委
任而責成爾亦勤勞而匪懈以煩機務屢抗封章諭旨吳璘陳師孟因故
有是命 二年四月二十三日降授特進尚書右僕射兼樞密使張浚可
罷尚書右僕射特授少師保信軍節度使判福州以浚自効求去故也。
乾道元年五月一日少師奉國軍節度使四川宣撫使領御前諸軍都統
制成國公吳玠特授太傅進封新安郡王以玠除太傅郡王依楊存中例
得恩例施行璘自蜀入朝故也。六月十六日少傅保康軍節度使元龍
泉觀使大寧郡王吳玠特授少師其恩數並依除少傅例施行。同日寧
武軍節度使開府儀同三司充萬壽觀使永嘉郡開國公吳玠特授少保
進封新吳郡王。三年十二月十八日少師保康軍節度使元龍泉觀使

大寧郡王吳益除太傅。六年三月二十七日親文殿大學士知紹興府
史浩特授檢校少傅保定軍節度使四月二日詔誥恩數並依前宰相例
施行。八年五月一日大同軍節度使提舉禹壽觀蒲察久安特授檢校
少保九月十二日特進左丞相兼樞密使華國公虞允文特授少傅武安
軍節度使充四川宣撫使進封雍國公以允文乞罷政求去故也。熙寧
三年正月七日皇叔祖少保昭化軍節度使判大宗正司剛濮王。四年三月五日崇信軍
少傅依前昭化軍節度使判大宗正司剛濮王。四年三月五日崇信軍
節度使開府儀同三司提舉臨安府洞霄宮史浩為少保觀文殿大學士
醴泉觀使兼侍讀其後五年三月十八日以少保為右丞相十一月十五
日罷特授少傅保寧軍節度使。六年正月十一日皇弟少保靜江軍節
度使充醴泉觀使思平郡王璩為少傅。同日武泰軍節度使開府儀同
三司充禹壽觀使曾觀為少保寧武軍節度使充醴泉觀使。十月十六
日皇叔祖少傅昭化軍節度使充醴泉觀使嗣濮王士勣為少師。同日
皇兄少保岳陽軍節度使充禹壽觀使永陽郡王居廣為少傅。七年五
月二十八日詔特進觀文殿大學士判建康府陳俊卿以廊廡舊獨出獲
留却二年之間績效顯著可除少保依前觀文殿大學士判建康府。八

年五月二十七日少傅保寧軍節度使充醴泉觀使兼侍讀魯國公史浩
為少師依前保寧軍節度使充醴泉觀使延封魯國公。九年九月二十
三日安德軍節度使開府儀同三司充萬壽觀使天水郡開國公伯圭為
少保封榮郡王。十年六月二十六日少保觀文殿大學士充醴泉觀使
申國公陳俊卿為少傅依前觀文殿大學士進封福國公致仕。八月二
十二日少師保寧軍節度使充醴泉觀使魯國公史浩為太保依前保寧
軍節度使改封觀國公致仕。十三年正月十四日太保保寧軍節度使
致仕觀國公史浩為太傅依前保寧軍節度使改封觀國公致仕。
年正月十四日太保保寧軍節度使致仕觀國公史浩為太傅依前保寧
軍節度使致仕觀國公史浩為太傅依前保寧軍節度使致仕觀國公史浩
依前觀文殿大學士致仕進封觀國公。皇叔祖保康軍節度使開府儀同
三司充醴泉觀使嗣濮王士欽為少保依前保康軍節度使充醴泉觀使
嗣濮王並以高宗聖壽八十慶典加恩也。十五年六月四日少保安德
軍節度使充萬壽觀使榮陽郡王伯圭為少傅依前安德軍節度使充萬壽
使榮陽郡王以曹獲高宗山陵畢加恩故也。○雜錄 淳熙四年八月十
六日臣寮言已降指揮寧執所得給使減年太濫故定初除轉廳為兩色

夏秋中以下
二十九字涉
上誤後

如三公三少使相太尉於法本無合得給使恩典累有援執政恩例而特
給之者乞自今除授如降旨許特依執政者全與初除恩數其後不問
經選除止合依轉廳減年如特旨許依執政之文不得援例放行從之。
淳熙十六年三月二日特進左丞相許國公周必大可特授少保依前左
丞相進封益國公。三月九日皇子安慶軍節度使平陽郡王可特授少
保武寧軍節度使進封嘉王。二十四日皇子伯少傅安德軍節度使充萬
壽現使崇陽郡王伯圭可特授少師依前安德軍節度使充萬壽現使崇
陽郡王太傅保寧軍節度使致仕魏國公史浩可特授太師依前保寧軍
節度使致仕魏國公皇叔祖少保保康軍節度使充醴泉現使嗣濮王士
彥可特授少傅依前保康軍節度使充醴泉現使嗣濮王皇叔祖昭慶軍
節度使開府儀同三司充醴泉現使天水郡開國公士琬可特授少保依
前昭慶軍節度使充醴泉現使天水郡開國公。四月十九日皇子伯祖寧
遠軍節度使安寧郡王子彤可特授檢校少保依前寧遠軍節度使安寧
郡王。魏國軍節度使提舉萬壽現宜春郡開國公。可特授檢校少
保依前奉國軍節度使提舉萬壽現宜春郡開國公。○紹熙元年四月六
日皇子伯少師安德軍節度使充萬壽現使崇陽郡王伯圭可特授太保依

寄柔上條已
有二年此疑
誤

前安德軍節度使充萬壽現使嗣秀王

前安德軍節度使充萬壽現使嗣秀王○三年六月十八日皇伯太保安

德軍節度使判大宗正事嗣秀王伯圭特授太師○二十六日太尉保大

軍節度使提舉萬壽現兵兵部開國公郭師尚特授少保 昭憲五年十

二月二十二日少傅保大軍節度使充萬壽現使郭師尚為少師永寧郡

王。慶元二年九月二十一日為太保十月二十日為太傅永寧郡王

致仕。慶元二年三月十七日宰執進呈昨日中興宣諭室叔祖少師嗣

濮王士徽轉一秩緣已足少師合轉太保自來三少之官不輕除授檢校

典故嗣濮王雖親子孫皆不曾除此官如有深微得之者上曰前日曾宣

引乃有此請亦念其來日無多姑從之其意亦見嗣秀王為三公故耳然

與嗣秀王事體不同既無此例却恐別有攀援瑞礼奏誠如聖訓上首肯

四年五月二日保寧軍節度使開府儀同三司充萬壽現使韓侂胄為少

傅五年九月一日為少師進封平原郡王改永興軍節度使六年十月三

日為太傅嘉泰二年十二月十五日為太師。七月二十日特進觀文殿太

學士葛邲為少保。五年八月二十七日特進右丞相祁國公京鏐為少

保依前右丞相進封鄭國公六年閏三月四日為少傅左丞相封異國公

八月十五日為太保觀文殿大學士魏國公致仕。十二月二十五日特進

右丞相吳國公謝甫為少保依前右丞相進封魯國公既而宰執進呈
甫力辭少保之命上曰即當批出何滯等奏謝保甫力欲辭避荷陛下
許從其請上曰向未留正以公官而轉請丞相堅不肯受以為超躐今此
姑從其請却俟他時別除滯奏陛下可謂能成陛下之美。二十七日昭
化軍節度使開府儀同三司充萬壽觀使吳玠為少保嘉泰三年五月十
五日為少保嘉定五年八月二十二日為少師致仕嘉泰二年三月十九
日鎮安軍節度使開府儀同三司判建康府吳玠為少保。十八日皇弟
昭慶軍節度使開府儀同三司吳玠為少保。二十一日特進右
丞相吳國公謝甫特授少保依前右丞相吳國公。二十六日保順軍
節度使開府儀同三司充萬壽觀使謝淵為少保嘉定二年八月七日為
少師四年三月十八日為少師進封和國公致仕五月十六日皇伯奉國
軍節度使提舉佑神觀充秀安王國公秀王佐檢察尊長師授為檢校
少保嘉定三年六月十六日為少保六年三月六日為少師七年八月二
十二日為少師四年十二月十三日皇伯定江軍節度使提舉佑神觀師
岳為檢校少保周禧三年十月十七日為檢校少師嘉定三年六月十四
特進見文殿大學士提舉臨安府洞霄宮錢象祖為少保四年周五月二

十六日為少傅進封珍國公致仕。十七日皇叔祖昭慶軍節度使提本信神觀嗣襲王不傳為檢校少保。二十六日岳陽軍節度使開府儀同三司克為壽州使楊次山為少保進封永陽郡王。六年三月六日為少傅。六年三月二十四日保信軍節度使吳玠為檢校少保。二十八日保康軍節度使元秀安僖王國令師高為檢校少傅。十二年九月二十三日為少保。十五年五月九日為少傅。十六年二月九日為少傅與官。十三年六月二十六日保寧軍節度使開府儀同三司四川安撫使安丙為少保。十四年十二月十一日為少傅致仕。十四年七月十五日金紫光祿大夫右丞相兼樞密使史弥遠為少保。十五年正月一日奉國軍節度使楊谷保寧軍節度使楊石並為檢校少保。二月二十日少保右丞相兼樞密使史弥遠為少傅。十一月九日皇子寧武軍節度使祁國公並為檢校少保。十六年三月二五日檢校少保安德軍節度使知婺州師出為檢校少傅。九月二十三日保康軍節度使提舉為壽州使不悅為檢校少保。

使宿國
十六字
見後

大興卷一百五
十九條次太
宗治化三身上

使宿國公鄭居中除太保以撫定秦雲此除拜三公不

領舊職不帶節鉞者並立三公本班詔一總治三省者
治王省事應領舊職或節帶鉞並立舊班治舊職立為
定制一月六日制以檢校太師瀛海軍節度使開府

太師太傅太保為三師太尉司徒司空為三公並為宰相親王使相加官五代之制司徒遷太保太傅遷太傅太傅遷太尉太尉遷太師檢校者亦如之國朝因之太宗淳化三年以西京留守太保兼中書令趙普為太師西京養疾普累表乞致政以開國元臣故優拜之非常例也真宗天禧元年二月司徒平章事王旦彭王元偃同日降制加太保三公併除雙員自此始也五月以太保兼門下侍郎平章事王旦為太尉侍中聽五日入中書旦懇辭不拜七月加太尉依前充玉清昭應宮使又

今禮儀院詳定赴上儀注國朝以來三公不兼無赴上之儀真宗優寵元臣特有是命四年十二月以資政殿大學士太保王欽若為司空職如故時欽若求侍東宮講誦以輔臣兼領三少品序非便表求換秩乃有是命止立學士班仁宗慶歷三年九月三日司徒監修國史兼譯經潤文使許國公呂夷簡守太尉致仕宜朝朔望大朝會綴中書門下班英宗嘉祐平二年五月十七日權御史中丞賈黯言請自今皇子及宗室卑屬除檢校師傅官者隨其遷序改授三公詔兩制詳議翰林學士王珪等議如黯所言詔俟加恩改授先是皇子東陽邵王除婺州節度使檢校太傅黯因以為言是歲南郊

寄案大典卷一百五十九條輯有檢校官一門陰治平二年五月十七日以上各條不復外傳並同此門今併

遂改授檢校太尉以上國朝會要此門神宗治平四年正

宋會要 太尉

徽宗政和二年九月二十八日御筆近降武選官名以
祿多士比元豐文階無極品之官文武一道分職定位
理當不殊太尉古官舊掌武事雖循沿秦漢為三公之
任名稱已久可改為武選一品之位在即度使上其儀
物班序居執政之次今尚書省裁定以聞二十九日詔
太尉不為三公詳見官制十月三日詔檢校官除太
尉依舊外司徒為少傅司空為少保詳見官制同日
中書尚書省言契勘太尉在第一品開府儀同三司在
從一品執政在正二品節度使在從二品欲太尉入正
二品在執政官之下節度使之上執政官料錢二百貫

二月三日中太一宮仁武信軍節度使遂州管内觀察
處置橋道等使檢校太尉持節遂州諸軍事遂州刺史
直睿思殿提舉龍德宮熙阿蘭湟秦鳳路宣撫使童貫
為太尉十六日詔檢校太尉改為檢校少師高宗建炎
三年四月七日檢校太保奉國軍節度使殿前都指揮
使御營司專一提舉一行事務都巡檢使劉光世為太
尉御營副使賜興元年十月五日檢校少保定江昭
慶軍節度使神武右軍都統判江淮路招討使張俊除
太尉以凱旋賞也二年六月十一日檢校少師武成感
德軍節度使神武左軍都統制福建江西荆湖南北路

宣撫副使韓世忠除太尉平閩湘之寇賞也。七年二月
二十六日檢校少保武勝定國軍節度使充湖北京西
路宣撫副使岳飛起復太尉充湖北京西宣撫使。十三
年二月殿前都虞侯保成軍節度使主管殿前司公事
楊沂中除太尉。十三年八月起復德慶軍節度使提點
皇城司錢愐除太尉提舉皇城司。十七年二月安慶軍
節度使提舉萬壽觀邢孝揚除太尉。二十二年三月檢
校少師奉國軍節度使御前諸軍都統制充利州西路
安撫使知興州吳璘除太尉。是月檢校少保武當軍節
度使御前諸軍都統制充利州東路安撫使知興元府
楊政除太尉。二十四年二月保康軍節度使提舉萬壽

觀吳蓋除太尉二十六年四月建寧軍節度使提舉萬壽觀韋諱除太尉進封開國公二十七年二月武泰軍節度使侍衛親軍馬軍都虞侯知潭州劉錡除太尉知荆南軍府二十九年六月崇信軍節度使龍神衛四廂都指揮使主管侍衛步軍司公事趙密除太尉三十年五月二十九日寧武軍節度使提舉佑神觀吳蓋除太尉三十二年五月二十七日保信軍節度使領閤門事鄭藻除太尉二十八日慶遠軍節度使龍神衛四廂都指揮使主管侍衛馬軍司公事成閔除太尉主管殿前司公事同日寧國軍節度使龍神衛四廂都指揮使建康府駐劄御前諸軍都統制充淮西南路路制置使京畿

高

河北西路淮北壽亳州招討使李顯忠除太尉主管侍
衛馬軍司公事孝宗紹興三十二年未改八月六日詔
信軍節度使提舉萬壽觀曹勛特授太尉十二月二十
五日詔今後除授太尉已上得指揮依兩府恩數人除
見管軍外並特與依帶職前兩府例施行仍自居廣為
始乾道七年六月三日詔威武軍節度使主管侍衛馬
軍司公事李顯忠特授太尉淳熙元年八月五日詔安
慶軍節度使知樞密院事張悅為太尉提舉隆興府玉
隆觀任便居住四年八月十六日詔除授太尉自今止
與初除恩數其數遞除止依轉廳減半如無特旨許依
執政之人不得援例詳見三十三年正月二十四日檢

仕

金萬壽壽觀

三

校少傅慶遠軍節度使致仕武功郡開國公成閔為太尉依前慶遠軍節度使致仕淳熙十六年五月三日詔保大軍節度使提舉萬壽觀吳興郡開國公郭師禹特授太尉依前保大軍節度使提舉萬壽觀吳興郡開國公同日詔檢校少保定江軍節度使武功郡開國公吳挺特授太尉依前定江軍節度使武功郡開國公慶元二年十月十九日檢校少保昭化軍節度使提舉祐神觀吳環檢校少保鎮安軍節度使知江陵府吳瑄並為太尉十一月十一日慶遠軍節度使提舉祐神觀韓同卿武康軍節度使殿前都指揮使郭杲並為太尉五年九月二十日保順軍節度使提舉祐神觀謝淵為太尉

嘉泰二年七月二十一日通議大夫韓邈為太尉保康
軍節度使知隆興府閏十二月五日保大軍節度使提
舉祐神觀李孝友泰寧軍節度使提舉祐神觀李孝純
並為太尉四年正月八日保靜軍節度使吳璘為太尉
開禧元年三月二十三日岳陽軍節度使提舉祐神觀
楊次山為太尉嘉定四年三月十五日武康軍節度使
夏震為太尉致仕十五年五月九日檢校少保奉國軍
節度使提舉萬壽觀楊谷檢校少保保寧軍節度使提
舉萬壽觀楊石並為太尉十七年七月三十日隨龍檢
校少保保成軍節度使譙令雍為太尉致仕

宋會要

三省

舊會要係中書門下令依三豐官制改為三省兩朝國
史志中書門下中書令侍中同平章事叅知政事中書
令國朝罕除侍中雖常除亦罕預政事同平章事是為
宰相之職掌邦國之政令弼庶務和萬邦位天子執大
政無常員有二人則分日知印以丞郎以上至三師為
之其上相為昭文館大學士監修國史亦有不帶昭文
館大學士而為監修國史者其次為集賢殿大學士或
置三相則昭文集賢兩學士并監修國史並除焉叅知
政事貳宰相批大政叅庶務以中書舍人以上至尚書
為之親王樞密使留守節度使兼中書令侍中同平章

事者謂之使相不預政事不書敕惟宣制除授者敕尾存其銜而已中書在朝堂西是為政事堂其屬有舍人專職誥命闕則以他官知制誥或直舍人院院在中書之西南舍人六員與學士對掌內外制朝廷有除拜中書吏赴院納詞頭其除拜亦有宰相召舍人面受詞頭者凡大誥命中書并敕進入從中而下餘則發敕官受而出之其吏史則有堂後官主事錄事主書守當官其吏舍則曰制敕院堂後官八人舊制自選人入為堂後官轉至五房提點始得佩魚至和元年詔中書提點五房公事自今雖無出身亦聽佩魚主事七人錄事十人主書十四人守當官二十人分掌五房一曰孔目房二

曰吏房三曰戶房四曰兵房禮房五曰刑房又有生事
勾銷二房其給使則有公堂五院行首一人副行首二
人通引官九人堂門官七人直省官十一人發敕官五
人驅使官二十二人其舍人院則有楷書二人裝裁匠
二人 自中興之初循舊制置尚書左右僕射各一員
門下中書侍郎各一員尚書左右丞各一員凡除左右
僕射^{自依}序或兼門下中書侍郎建炎四年制以左右僕
射並加兼同中書門下平章事改門下中書侍郎為叅
知政事而廢左右丞又以左右僕射兼樞密使或兼知
樞密院事 神宗正史職官志中書門下在朝堂西榜
曰中書為宰相治事之所印文行敕曰中書門下尚書

中書令侍中丞郎以上帶同平章事並為宰相而叅知政事為之貳與樞密院通謂之執政又有中書省門下省者存其名列皇城外兩廡官舍各數楹中書省但掌冊文覆奏考帳門下省主乘輿八寶朝會位版流外較考諸司附奏挾名而已中書令侍中不任職官制行悉釐正之遂以寔正名廢中書門下省舍之在皇城外者併朝堂之西中書堂為門下中書兩省以左右僕射兼門下中書侍郎又以兩侍郎副之神宗治平四年改元六月詔令中書樞密院應細務合并有司者逐旋條陳取旨初侍御史張紀言政府不忠侵有司之職有司不當溷政府之嚴若溝洫當決諸水監漕運當決之三

司其禮樂征伐號令損益自係朝廷議論有司得以奉行故有是詔熙寧元年十月樂栲斲被旨差後苑工匠造舒國祁國公主下嫁禮物而後苑奏留不遣中書請令兩所應辦上曰此細務也不足以累宰職自今宜一聽三司裁決二年宰臣曾公亮歆知州皆選於中書工部中書數人所總事已多矣知州材否何暇盡詳且中書三公職事在於論道經邦公亮曰今中書乃六卿冢宰之職非三公也工部冢宰固有冢宰之職唐陸贄言宰相當擇百官之長知審官是也今不擇知審官人而但堂選知州所選人不精徒令中書事更煩冗非國體也王安石齒曰誠如陛下所諭三年五月五日詔近

自此以後年月
多參差清
本意更宜校
時可逐條檢尋

設制置三司條例司以通天下財利。熙寧二年二月，在悉力應接以趣成効，其罷歸中書。初置條例司，踰年乃罷之。七月，令中書門下考察內外官司置簿記功過，俟年終及非次除擢，檢錄比較進呈，擇其尤甚者進黜之。四年，知慶州趙鼎經制使李憲屢言羅兀城上欲遣人相度，王安石曰：「請用親信。」內臣與一朝工大夫往，上曰：「用宰相制事。」而令內臣審覆於體，非便。於是用張景憲、李評俱往。七年十月十六日，詔三司置會計司，以宰臣韓絳提舉。八年六月，罷之。熙寧十年以前三年收支應見所錢物，除開雜及理欠物，更不條具其泛收泛支，或諸處支借出入并蠲放欠闕各

令開柝限半年攢結成都狀送提點刑獄司驅磨保明
上中書點檢有不實科徒一年罪不理去官仍并治保
明官吏如驅磨出增隱錢物並當等第酬賞自今三年
一供著為令以中書言諸路財賦歲入歲支轉運司多
不疚心唯稱闕乏既不可旋考校宜有會計出入之法
以察增耗以知有餘不足之處也三年六月二十一日
詔罷中書門下省主判官歸省事於中書四年三月八
日詔在京官不得舉辟執政官有服親以御史知雜舒
亶言近論蒲宗孟不當薦舉同知樞密院韓頴姪宗弼
乞立奏舉法故也八月一日詔中書自今堂選並歸有
司十月二十七日詔三省印銀鑄金塗
月二十二

日詔增減官吏並門下中書省同取旨

六月詔自

今堂選堂占悉罷以勞得堂除者減磨勘一年選人不
依名次路分占射差遣十二月十一日詔三省諸案宜
並稱房五年二月一日詔中書省樞密院面奉宣旨別
以黃紙書中書令侍郎舍人宣奉行訖錄送門下省為
畫黃受批降若覆請得旨及入狀得畫事別以黃紙亦
書宣奉行訖錄送門下省為錄黃樞密院準此惟以白
紙錄送面得旨者為錄白批奏得畫者為畫旨門下省
被受錄黃畫黃錄白畫者皆留為底詳校無舛繳奏得
畫以黃紙書侍中侍郎給事中省署讀訖錄送尚書省
施行三省被受敕旨及內降實封文書並注藉門下中

畫下宜添
旨字

書省執政官兼領尚書省者先赴本省視事退赴尚書省申明及立條法並送尚書省議定上中書省半年一進頒下應速者先行應功賞並送所屬無定法者送司勳樞密院軍功不在此文武官三省樞密院各置具員中書省非本省事舍人不書吏部擬注官過門下省並侍中侍郎引驗訖奏候降送尚書省若老疾不任事及於法有違者退送改注仍於奏鈔內貼事因進入六曹諸同官非議事不詣都省及過別曹應立法事本曹議定國刑部覆定于酬賞者送司勳如無異議還送本曹赴都有議體大者集議議定上中書省樞密院事上本院吏部差注官國甲由都省上門下省有違者退吏部

以事因貼奏諸稱奏者有法式工門下省無法式上中書省有別條者依本法邊防禁軍並上樞密院應分六曹寺監者為格候正官名日施行二十一日詔知樞密院門下中書侍郎同知樞密院尚書左右丞為定班班次以是為差五月一日詔左右僕射丞合治省事初議左右分治及進呈始命合治二日詔今後四方實封奏除內降指定付三省樞密院及中書門下尚書省外餘並降付中書省可從本省分送所屬曹省十一日詔秘書省殿中省內侍省入內內侍省於三省用申狀尚書六曹用牒不隸御史臺六察如有違慢委言事御史彈奏六月三日吏部尚書李清臣言嘗奏論門下中書省

全錄畫黃直付所司事今於詳定官制所受到前批
無押字畫黃四件雖著門下曰書所官及名即無首尾
不顯何處送到門下省進呈在格當錄其事目留本省
以畫黃付下既已書名則體不當押字而所承受官司
各有付受歷照驗豈得不知來處詔清臣分析以聞其
後罰銅十斤五日詔自今事不以大小並中書省取旨
門下省覆奏尚書省施行三省同得旨事更不帶三省
字出行是日輔臣有言中書獨取旨事體太重上曰三
省體均中書省揆而議之門下省審而覆之尚書省承
而行之苟有不當自可論奏不當緣此以亂體統也先
是官制所以雖倣舊三省之名而莫能究其所省設官之

意乃釐舊中書門下為三各得取旨出公門行紛然無
統紀至是上一言遂定十三日詔尚書省六曹事應取
旨者皆尚書省檢具條例上中書省又詔門下中書省
已得旨者自今不批劄行下皆送尚書省施行著為令
十四日詔六曹中尚書省尚書省送中書及過門下省
文字皆隨事立日限時即尚書事應取旨者皆日具件數
錄目尾結後批日時軍執政官書押送中書省各限一日
有故者聽展若送中書省取旨事已進呈不行者每旬
錄報尚書省皆著為令七月十四日詔應臺察事並由
尚書省取索事小者先約法送中書省取旨二十一日
詔自今選補都知押班並三省樞密院同取旨二十日

日詔自今臣僚上殿劄子並進呈取旨先是三省樞密院或不以進呈直牋之故有是詔十二月二日詔門下省凡中書省樞密院文字應覆駁者若事體稍大入狀論列事小即於繳狀內改正行下若事不至大雖不足論列而其間曲折難於繳狀內改正者即具進呈以應改正事遂中書樞密院取旨六年正月二十二日詔自今樞密院已得旨事更不送尚書省具鈔徑送門下省覆駁訖自樞密院直下尚書省施行二月二日詔三省更書功過門下委給事中中書舍人尚書左右司依舊中書門下比較九月二十五日詔自今三省進呈差除如從中批出從中書省奉行其事理未介所至之省

具奏七年十月二十四日中書省言樞密司傳宣
事已得旨如別無奏稟合作錄黃畫黃門下省覆奏本
省更不入進文字從之八年正月二十四日三省言以
上未視事應合行事並權作聖旨行訖以聞稍重者進
畫今聖體尚安前詔歇更不施行從之七月六日哲宗
已即位未改元資政殿大學士銀青光祿大夫兼侍讀
呂公著為尚書左丞公著言臣伏見周官三公三少論
道經邦寅亮天地然皆分治卿職蓋進則座而論道退
則作而行之此三代之明法也唐太宗用隋制以三省
長官共議國政事無不總不專治本省事國朝之制每
便殿奏事止是中書樞密院兩班昨來先帝修定官制

凡除授臣僚及興革廢置先中書省取旨次門下省審覆次尚書省施行每省各為一班雖有三省同上進呈者蓋亦鮮矣此蓋先帝臨御歲久事多親決執政之臣大率奉行成命故其制在當時為可行今來陛下始初聽政理須責成輔弼况執政之臣皆是朝廷妙選安危治亂均任其責正當一心同力集衆人之智以輔惟新之政譬如共輿而馳同舟而濟人無異心則何求而不得何為而不成伏望聖慈留神省察明降指揮應三省事合進呈取旨者並令三省執政官同上奏稟退就本省各舉官制施行自元豐五年改官制政柄皆歸中書省王珪以左相在門下拱手不復校王女禮每憤懣不

平政正其事而力不能也公著被命夫以即為上陳之
後遂詔應三省合取旨事及臺諫章奏並同進呈施行
十八日三省樞密院言同差除及進呈文字理須會議
者先於都堂聚議或過假及已歸東西府聽便門往來
眾議從之九月十八日詔自今門下中書省合取會文
字依舊直下所屬取索元祐元年四月十二日三省
言中書省諸言承受到尚書省取旨字文如有進呈訖
留俟呈後並不行文字並限三日內報知尚書省其勘
會未圓須合再行取會者亦限半月以次具見取會未
絕事目報尚書省諸房各置送中書省文字簿候報到
鈎銷從之前此尚書省言令中書省諸房各置尚書省

送本省取旨簿隨事緊慢關會舉催今復有此請十四
日尚書省言欵今後軍期河防賑收災傷之類畫錄黃
並從本省直降劄子下諸處施行訖其畫錄黃付本曹
并該載難盡但係急速不可稽緩并事體重者亦依此
施行又言除拜官職差遣緣畫錄黃已經由門下省如
辭免恩命中書省既得旨令降詔不允欵乞只從中書
省批送學士院進詔更不重出錄黃並從之同日門下
省言自來中書省樞密院擬進文字如得畫並作奉聖
旨具錄黃錄白過門下省本省再入文字覆奏得畫方
始出行乞應行書省樞密院凡係擬進得旨文字今後
並於錄黃錄白內聲說某月日得畫奉聖旨云何門下

省看詳如別無差失合舉駁更改事件以不再入字繳
覆落去得畫二字依式作奉敕錄送所屬施行訖每日
具事目奏知詔從之仍送中書省取旨五月一日金紫
光錄大夫門下侍郎呂公著依前官守尚書右僕射兼
中書侍郎自蔡確章惇罷司馬光已卧疾及韓縝去位
公著攝宰相事先是執政官每三五日一聚都堂堂吏
日抱文書歷諸廳白之故為長者得以專決同列難盡
爭也光嘗懇確欲數會議庶各盡所見而確終不許公
著既秉政乃月聚都堂遂為故事十八日新除尚書左
僕射司馬光言去歲有旨遇暇日有公事許於東西府
聚議臣以足疾未愈乞遇暇日或日晚遇有公事許乘

轎往諸位商議其執政官亦許到臣本位從之六月二十八日監察御史孫升等言六曹奏鈔自來左右僕射承例皆簽書按左右僕射各兼別省事及奏鈔送門下省左僕射合親書審奏顯見重複詔六曹奏鈔左右丞簽書僕射押檢本省代書送門下有八月十六日尚書省言減六曹迂枉事受急速者限畫時餘次時付諸房如遇夜非急速者次日辰時諸房受制書應行下急速者限三時遇夜次日巳時非急速者次日未時及本省凡受內降已有御札指揮者敬事大者依舊送中書省取旨事小反急速者止尚書省具聖旨劄子或批狀行下訖奏知仍關門下中書省照會即擬係於事未便者

自當執奏從之二年八月六日太師文彥博進除改舊制甄別資品除授之法詔三省叅詳資品履歷按新舊制除授十六日三省言應曹歷省府推判官臺諫寺監長貳郎官監司人並合堂除而知州軍闕少每於吏部取差有妨本部擬授詔以前後條叅酌使兩不相妨立法以聞於是知州軍闕一百四上朝廷以九十八分吏部三年正月二十二日詔應三省差除闕如從中批付中書省並三省同行其同得旨文字本省選人更兼行進呈得旨者更不覆奏直送曹部三月十四日樞密院言文臣換右職舊屬本院自官制後歸三省緣換授大使臣後係入樞密院奏差遣又有以本院差在武臣

去處因事取旨換授者行遣不一合依例同呈取旨詔
今後文臣換^大使臣並三省樞密院同取旨五月四日
監察御史趙挺之言御^史所言多係省曹之失却降付本
部自屬妨礙請以臺官所言事付三省省詳若合立法
及衝改舊法即乞下本部取會如何施行從朝廷指揮
從之同日樞密院言得旨條具司空呂公著合議車國
事今具軍國重事除授差移管軍三路副都總管至副
總管三路沿邊知州帶安撫事管句安撫司同麟府路
管句軍馬兩省都知押班邊防大事諸路添減軍馬國
信大事更改大法今議論未決疑難事務議大刑賞諸
班直揮使已上轉員非常程事處置邊防辦理疆界

戰陳稍大賞罰諸路緊切事宜國信生創事件民兵馬
政稍大事務差文臣措置邊事文臣換大使臣除樞密
都副承旨除內臣昭宣使已上詔軍國重事及非常程
事并臨時合與三省同議取旨事並關與簽書同日詔
司空同平章軍國事呂公著凡差除并貢降叙復應三
省并三省樞密院同取旨事邊防體大公案并體量取
勘事支移錢糧數多諸軍班特支差官按察館伴入國
接待送伴朝會國書近上番夷李乾德等授官襲廢置
州縣特立捕盜賞格并同三省施行省曹寺監所上事
體量賑濟太禮科場非泛祠禱應干陵廟事諸蕃國進
奉差押伴官并進奉回賜修書創立改更法令河防鑄

錢典禮儀制非常程者捉殺十人已上賊同逐省施行
六月八日詔三省同得旨事就中書諸房選差三省本
房人吏兼同行遣依條由給舍內進呈得旨者並依已
畫旨更不覆奏直送曹部等處施行仍具奏知三省各
錄留為底餘仍舊十一月四日三省言在京堂除差遣
累有增改而吏部闕少官多今裁定門下中書省正言
尚書省左右司六曹郎中御史臺監察御史秘書省正
字館職校理以上寺監長貳丞太常博士正錄待講說
書開封府推判官府司錄開封府祥符祥符咸平尉氏陳留
襄邑雍丘知縣登聞鼓院檢院王府善侍讀侍講記
室小學教授知大宗正承事諸王府講書記室睦親廣

親宅講書左藏庫三京留司御史臺商稅院進奏並
中書省差餘並吏部差從之四年五月四日詔三省遇
降及主事文字如合係三省樞密院同聚議文字令逐
省呈覆本省官下筆赴都堂商議候得筆將上或進入
內事體大及應急速即尚書省出劄子逐處仍送本曹
照會依舊條八月五日二省進呈司馬康奏其父光遠
藁二其一言請仍舊令中書門下通司職業以都堂為
政事堂每有政事差除及臺諫官章奏已有朝旨三省
同進呈^外其餘並令中書門下同商議簽書施行事則^大
進呈取旨降敕劄事小則直批狀偕揮如一舊日中書
門下故事併兩省十二房吏人為六房同共點檢鈔狀

行遣文書若有溢員除選留外並特與減三年出職不出三年應出職者與減磨勘年限若政事有差失委給事中封駁差除有不當委中書舍人封還詞頭及兩省諫官皆得^論陳列則號令之出不為不審政事歸一吏員不冗文書不繁行遣徑直於先帝所建之官並無所更變但於職業惟有修改於事務時宜差為簡便其一言今凡有詔令降付尚書省者僕射左右丞^簽訖官告黃牒之類已簽書記者更不簽分付六曹騰印符下諸司及諸路州施行其臣民所上文字降付尚書省者僕射左右丞簽訖亦分付六曹尚書侍郎及本廳郎中次第簽訖委本廳郎^官中下筆判云今欲如何施行次第通呈

侍郎尚書若郎中所判允當則侍郎簽過尚書判準應
奏上者直奏上應行下者直行下即未得允當者委侍
郎尚書改判事之可否皆決於本曹長官三省既進呈
遂言今三省皆同奏事與光時不同及其所言事多已
施行太皇太后宣諭曰今已無事不必改更也按司馬
光集光乞合中書門下兩省為一蓋與呂公著韓維張
標同具奏乞令六曹官長專議蓋與呂公著李清臣呂
大防同具奏又按范祖禹誌司馬康墓云康上光舊藁
降付三省而朝廷未遑有行不知此所謂多已施行者
何也至建炎三年四月始合三省為一十二月二十二
日門下有言三省得旨文字奏知劉子自來止是具事

宜進入其間慮有節寫不圓或至疏落事件詔今後立
定式樣與錄黃連粘在後入進六年五月二十五日三
省言受聖旨并御批手詔並劃制房分所承受簿點閱
名件職級帝行點檢具無漏落狀於六月二十日已前
門下省送雜務房中書省送催驅房尚書省送知雜房
類聚本月內闕送正記房如有漏落本房并職給量事
大小等第理過從之七年十月十八日三省言堂除諸
路職司有帶權及權發遣者未行官制前係中書檢舉
除落今則吏部檢舉具鈔不復經中書無由照應詔吏
部依條檢舉具狀申尚書省送中書省取旨施行 紹
聖三年三月十九日詔自今考城太康東明陽武知縣

並三省差人五月二日中書侍郎李清臣言先皇帝創立官制元定三省規舉中書省取旨門下省審覆尚書省施行蓋以互相關察日近尚書省官侵奏職事將生事文字合送中書省取旨者更不送中書省便於尚書省將上取旨畫定指揮簽書押送中書省降敕臣已曾面奏乞宣諭章惇已下合依官制舊法自是以來稍覺減少今又公然放縱侵奏朝廷紀綱伏望早賜指揮辨正先帝官制無條上中書省取旨有例無條具鈔畫聞鈔書尚書省與本曹官奏上付門下省覆訖施行不由中書時清臣為中書侍郎在告尚書省以刑部獄案鈔內有所擬輕重未當合行增損貼改進入尚書省職也

清臣以為侵紊論列得旨死罪則取旨餘許增損惇力
陳非侵紊遂寢前旨清臣再論亦不行五年詔自今臣
僚上殿劄子中書省進呈取旨其承受傳宣內降及內
中須索隨處覆奏得旨奉行即本司官親承處分仍畫
所得旨錄奏請實奉行以上非有司所可行或事干於
他司奏請得旨者申尚書省或樞密院奏審施行元
符三年正月十九日詔三省以闕執政官及六曹長貳
令具前宰臣執政待從官姓名及取寺監長貳可補從
官者十人以聞徽宗建中靖國元年五月一日詔三
省議減吏員裁節冗費崇寧二年七月二十日詔曰
朕觀前世外戚擅事終至禍亂天下唯我祖考創業垂

統承平百有餘年外戚之家未嘗與政厥有典則以貽
子孫即政之初以駙馬都尉韓嘉彥兄忠彥為門下侍
郎繼除宰相方朕恭默弗敢有言給事中劉拯抗疏論
駁亦不果聽上違祖宗成憲下襲前世禍亂之失其自
今勿以援忠彥例以戚里宗屬為三省執政官世世守
之著為甲令五年七月二十四日詔堂除人不得越資
序一等未經任及見係衝替放罷若歷任有贓罪並不
得堂除 大觀二年正月二十九日詔今後中外差遣
非要急及新改法度不得堂除其自陳乞取吏部闕堂
除者不得受狀 政和二年五月十三日太師楚國公
致仕蔡京特落致仕依前太師楚國公三日一至都堂

治事九月二十九日詔以太師太傅太保^為三公少師少
傅少保為王孤以左輔右弼太宰少宰易侍中中書令
左右僕射之名舊以太尉司徒司空為三公及尚書置
令並罷三年閏四月八日主客員外郎傅墨卿奏臣竊
比者朝廷選官按視諸司庫務數日之間蠹弊振舉既
命六曹寺監條具措置事件其繁難處又至歲終取旨
差官點檢革弊靡之習收總覈之効誠大利也然監臨
之官所以奉行成法必得其人乃能勝任今有自朝廷
除授者有所轄奏差者有吏部擬注者朝廷除授與所
轄奏差固可以得人矣至於吏部擬注雖有遷格或非
其才遽委之以繁難臣愚恐未能責其不廢弛也伏望

睿旨應諸司庫務場監局所繫難處其監官元係吏部
差者盡行堂除庶幾百司皆得其人修舉職仰副陛下
使能責實之意詔今後內諸司繫難處朝廷選差人六
年四月二十七日御筆手詔太師京近三上章乞致仕
詔書不允所請仍止來章意確未回京位三公然三省
機政事無巨細自合總治外可從其優佚之意自今特
許三日一造朝仍赴都堂及輪往逐省通治三省事以
正公相之任事畢從便歸第五月一日太師蔡京令遇
朔望許朝三日一知印當筆不赴朝日許府第書押不
押敕劄不書鈔六日尚書省言檢會奉御筆太師京自
今特許三日一造朝仍赴都堂及輪往逐省通治三省

事以正公相之任事畢從便歸第今奉內降劄子未審
三日一朝除與不除假故如不係朝日分遇車駕朝獻
行幸筵宴慶賀聽御札拜表行香按視及虜使見辭并
非次宴集之類合與不合起赴奉御筆合起赴內申明
三日一朝除與不除假故一節閣門供到已進呈合除
假外奉御筆實理三日起赴外付吏部疾速施行七年
正月二十日日詔人君所與共治者惟輔弼大臣同寅
協恭率職勵行以儀風俗自我烈考肇分三省都堂為
聚議之所叅決國論延見百辟元豐以來成憲具在遵
制揚功曷可失墜自今宰執可依舊常聚都堂夙夜匪
懈以弼予政治八月二十五日臣僚言致治在乎政

事政事本於朝廷恭惟神考肇正六官振飭百度闢三省以總天下之事建都堂以為聚議之所體統既立國論以定規模垂後所當謹守仰惟陛下承先志躬覽萬機且目御便朝以親庶政是宜股肱大臣仰體聖意朝夕謀議以裨政治之萬一臣竊見比來大臣退朝隨即分省治事都堂閑闕動輒經月政事當合議者或群至於省廷則非所以養廉耻且分職於內者當於此稟議而將命於外者當於此受令以至進退群吏裁決機務無有不在於此而久廢不講恐非所以尊朝廷也今天下當持盈守成之時而陛下萬幾迭出事之沓若夫國家之大計天下之大利害所當深思遠慮而建長久

之策者其類尚多聖心所以憂勤宵旰虛己以聽納大
臣所當勉夙夜畢智於謀謨將以益隆太平之基而
追述元豐之盛際其事顧可後乎臣愚欲望聖慈明詔
大臣應三省聚廳務遵元豐故事施行非特追述先帝
之成憲亦以仰副陛下勵精政事之意其於聖治實非
小補詔內外忝辭并庶官謁見元豐條只合詣府第令
坐條申明行下仍劄付御史臺十一月六日御筆手詔
太師魯國公蔡京自再還廊廟于今七年述者章數十
上卻之復來告老乞骸祈於得請而後已朕不欲固違
其諸細務特免簽書可五日一朝次赴都堂治事恩禮
寵數並仍舊制八年五月十一日臣僚上言吏部銓注

以待常調則許隨資格見闕指射朝廷除授本以擢用
智能之士隨其材而器之使無指占自陳之法此祖宗
馭吏之大憲也迩來士失所守倖進苟得無復廉隅公
然授牒或具劄目指射陳乞堂除內外差遣謂之蹈逐
窠闕資品之華俸給之厚與逐其私者唯所自便甚則
內之卿監省曹外之監司郡守皆輒詣闕自陳殊失朝
廷為官擇人之義此風寢盛不特害於任使方當員多
闕少之時一官有闕唯奔競進取權勢之士亟取亟得
寒素無援與夫守分廉退者滯留之久致無闕以處之
為害甚大伏望聖慈特降睿旨今後輒敢以劄子指射
堂除窠闕者以違制論仍令御史覺察彈奏重行黜降

臣僚字衍

詔朝廷除授以待天下賢材不次之選而僥倖自陳汨
喪廉耻士失自守因以廢法可依所奏仍出榜朝堂
宣和元年四月九日太師魯國公臣僚京言臣昨蒙寬
假許朝五日止省治事而臣今三省錄黃畫旨入進文
字與六曹奏鈔敕命行下猶繫臣名銜著不押免書字
豈有身不任事事非己出繫名其上虛負天下之責覲
顏慚怍固知所安詔所有繫書一節可從所請外餘並
依前後累降詔旨無復別有陳請二十五日臣僚上言
臣聞爵賞朝廷之砥石所以礪世而磨鈍者也稍吝之
則有功者缺望而人不知勸稍寬之則濫得者必多而
人不知慕二者不同其失均也臣備數憲臺日閱六曹

聞報頗疑恩澤之行比年浸濫一時非泛之賞無日無之大則轉官循資小則減年支賜臣畧會其數自去年七月一日至今年三月終合二百九十七件凡五千六百四十餘人其間有但云某等而不開具姓名者尚不論也無乃太多乎茲蓋陛下勵精庶政宵旰工怠弛思有以激勸之故不疑於用賞而所司不能仰體睿意乃因緣為市尚恐不以實聞臣嘗中夜思之可為憤懣者一可為嘆息者三可為念慮者四謹為陛下陳之賞罰人主之柄也重輕予奪當一聽於君雖冢宰不得專焉以其義昭詔王而已近年有司保奏乃有光用貽黃擬定某人轉幾官某人幾年磨勘某人與某處差遣是與

奪重輕自人臣出下輕其上爵而盜威福之權莫此為甚臣所謂可為憤懣者此也招弓弩手者辰州也樞密院吏差等房有何勞績推恩者八十四人陞兗州為襲慶府三省兵房不過行移文字耳推恩者三百三十六人太名府編揀軍器推恩者四十六人登萊沂三州共修戰船纜八隻推恩者十二人如此類者不可勝數其冒濫不已甚乎保明功力等第未嘗核寔專在臨時雖非元額許差之人往往別作名目河上之役有司未嘗出都城而姓名亦在奏中者矣其罔上不己甚乎奉行鹽法乃鹽香司之職也孟特敢云委是推就緒曉夕究心修整城壁轉運之職也王似敢云委是功力浩瀚並

皆如法例有徑納劄子如淮南轉運使李祉三門筆運
趙子直之徒巧為辭說鋪陳勞効云伏候指揮絲毫未
有補於朝輒敢矜功而自列其輕侮朝廷不已甚乎此
三者臣所謂可為嘆息者也吏知賞可以苟得則人有
僥倖覬覦之心一登仕版遷轉如流有甫二年轉十官
者今吏部兩選朝奉大夫六百五十五員奉直大夫至
光祿大夫二百九十員橫行右武大夫至通侍大夫二
百二十九員修武郎至武功大夫六千九百九十一員
名器既輕則人人皆有移心而莫肯安其分矣酬賞轉
官不得回授白身人自有約束今又稍稍通行正郎與
副使既易得之則三歲一郊又暗增恩補選人在部者

一萬六千五百四十二員小使臣二萬三千七百餘員
吏員猥冗注擬不行而仕途塞矣官秩既進俸亦隨之
三省密院減年仍許特換支賜公儲有限橫恩鼎來而
國計虛矣此四者臣所謂可為念慮者也陛下睿明天
縱如臣所^東父已洞知其不可海涵天覆隱忍而未施行
經田去處乃習熟見聞以為當得門下不較奏中書不
繳詞日引月滋寧有紀極臣是以傾竭所聞不能不能
自己幸陛下留意焉詔今後令三省樞密院遵守內報
以本職論功及有司擅為保奏擅指定轉官賜帛及指
定輕重之類依累降指揮申明行下仍令御史臺常切
覺察二年五月十六日手詔先帝稽古建官肇正三省

設給舍都司以贊省務綱目備舉成憲具奏今都司踞
襲覆以曠官蓋緣省吏彊悍敢肆侵侮遂為典章可自
今並遵守元豐崇寧見行成法應違法事左右司官勿
書具事因舉劾情重者取旨竄責宰丞按治七月二十
一日臣僚上言爵祿礪世僥倖可革比來營造去處工
匠之類節次自有支賜有司尚敢冒法奏請特旨與作
工匠入流之人轉行遙郡橫行不惟礙法緣工作之徒
與士流不同若縱之忝冒混玷班列顯屬泛濫伏望特
降處分自今應作工匠入流之人並轉至大夫止雖奉
特旨轉行遙郡橫行許三省樞密院執奏不行庶幾有
以革去僥倖之弊詔仰三省樞密院遵守施行雖奉特

旨執奏不行八月十一日尚書省言奉聖旨三省早出
等禮儀並依元豐法令行首司檢具申尚書省取旨今
契勘到下項一元豐年作早出筵宴殿試舉人釋褐唱
名人使見辭宣召觀示習禮儀按閣進書奉安踈決開堂
今即不起開啟道場相看國忌奉慰一元豐年未經禮儀
見作早出神霄宮燒香明堂布政就見皇子御殿稱賀
宰執謝教設元豐年共一日一元豐年不作早出即今
見作早出宰執除拜轉官聞命授告賜衣帶賀降生皇
子前兩府到堂外國人使到堂諸官司就堂呈驗就堂
宣視詔第一項依元豐體例第二項合作早出第三項
不作早出又制敕庫房擬到下項一諸雜人入幕次契

勘自熙豐年有約束旨揮不應入者無故入門許人告
令來宰執幕次自合除合祇應人外諸雜人並不得入
幕次一官員就幕次取覆契勘自熙寧年官員叅辭謝
呈敕告並本職公事方許赴都堂仍取稟指揮相見外
餘並依於尚書省投狀今來官員自不合入宰執幕次
及下馬步行處候便唱喏并待漏院及閤子內出頭呈
納文字歟已上並依元豐舊制如違徒二年因而聽採
漏泄依中書漏泄法一行馬次序契勘自熙豐年赴朝
係宰執於百官後上馬昨遷班近上見於百官前上馬
除宰執見於百官前上馬外歟百官行馬失序并衝節
者各杖一百仍令御史臺皇城司開封府覺察送所屬

施行命官聞奏一上下馬契勘自熙豐年宰相於隔門
內下馬執政於隔門外下馬今即依得熙豐年體例及
自来宰執於隔門下馬由垂拱殿貯廊赴朝後來為折
去貯廊遇泥雨許入右銀臺門北廊下馬并自熙豐年
駕出入起起居於左承天門下馬今後改作左右兩敷
佑門於左敷佑門裏右敷佑門外下馬欵除見依元豐
舊制外其於敷佑門并遇雨入右銀臺門北廊上下馬
依見行儀制一侍班并從駕去處契勘自来進呈侍班
殿內分三省各闕子今係同闕子從駕去處今並依熙
豐年體例在車駕殿門外作一闕子勘會元豐三省各
奏事各闕子見今同奏事同闕子欵除三省奏事同闕

于外餘依元豐舊制從之十月八日詔在部員多闕少
河南府三廣荆湖閩陝關官而在京求差遣者甚多蓋
緣希覲堂除不甘遠適所以不均其初出官人勿注京
局初改官及初陞親民者與外任銜替及事故未滿日
月者勿堂除 宣和四年八月二十日少師太宰王黼
言臣頃被詔旨三省樞密院暨六曹事有未如元豐舊
制者一切釐正臣竊以神宗皇帝肇正官制之後元豐
五年八月修立樞密院令諸得旨事並錄送門下省候
報施行宣命即關送候送回發付是年十月樞密院再
奉旨揮得旨及擬進畫依文字內聖旨急速限當日擬
進限次日錄送門下省後覆奏回聖旨急速限當日餘

限次日發出據此則樞密院事悉合經門下省審省覆
奏然後施行臣伏見近歲以來樞密院諸房浸紊成憲
凡所施行折以為二一曰機速更不閑錄門下省一曰
急速更不錄送門下省止用閑子更不閑錄者門下省
悉不預聞用閑子者審省覆奏與封駁之法盡廢矣臣
愚深慮未應亢豐舊制臣謹按門下省元豐六年兵房
上半年承就樞密院錄白者一千七百三十件內用閑
子者纔二事而已今年上半年兵房承受樞密院錄白
文字三百七十七件而用閑子者至四百八十九件何
其多也稱係機速更不閑錄者不在此數不可得而知
其閑閑子如差除兵將官轉資補授恩澤差人吏養老

之類悉用閔子臣所未諭若緣恭奉御筆或事干急速
合即施行不當更錄送門下省即不特非元豐條制令
中書省被奉御筆及急速文字皆行錄黃送門下省審
有覆奏內急速不可待畫者止許先次報行惟尚書省
間有急速奏行止閔門下省者然亦近承睿旨事干除
校及轉官資之類並送中書省行錄黃矣臣又聞元豐
七年王珪為左僕射章惇為門下侍郎日樞密院降指
揮轉員文字更不送門下省珪等力爭之尋被旨應緣
轉員文字並送門下有仍依樞密院例宿直樞密院已
得旨揮更不施行詳此則見先帝立經陳紀垂裕無窮
者德音具存無復可疑臣苟竊位弗陳是以不材而廢

陛下黃門萬世之法豈特仰辜大任將得罪天下後世不貸矣伏望聖慈詳酌特降詔旨付樞密院委大臣特行董正庶盡革久弊一遵前烈天下幸甚詔並遵依元豐成憲常切遵守毋有違戾十二月二十一日中書省尚書省言左右司奏今具逐次試行首司私名人數下項政和三年試中三百四十一人政和八年試中四百一人今節次準尚書批送下就試共八百人行首司具到下項入額編排一百五十人未入額編排五百七十三人無限定人數未試私名八百餘人戶部供到政和令節文諸未入官人三省私名本司並免丁役詔入額編排依舊以一百五十人為額未入額編排以三百人

為額二項並與免本身丁役餘並不免五年正月二十
二日臣僚上言臣竊見朝廷用還堂關其事雖若小而
所繫則甚大自政和元年十二月檢會大觀三年八月
旨揮承務郎以上見任差遣未滿并已授未赴元係吏
部差擬之人因朝廷陞遣或特旨移易其退下關並堂
除一次臣切詳本旨以元係吏部擬人因朝廷陞改占
堂除窠闕若退下闕吏部便行收用堂除轉見闕少遂
令還堂一次政和二年十二月并大小使臣並依承務
郎以上已得指揮政和五年五月復有申明還堂闕雖
已經差官而所差官未赴未滿朝廷再與差遣之人其
退下闕亦合還堂自爾展轉還堂非止一再間有緣堂

除一闕而用吏部三四闕者謂如甲役通判元係吏部
後因堂除差遣退下闕還堂固宜若通判闕而差一見
任或待次司錄闕又為還堂司錄闕却差一曹官承填
即曹官闕又為還堂展轉相應致所用吏部稟闕寢廣
而士大夫相與為俚語有七還八還之目常調官赴部
艱於得闕規求還堂解或安分甚者寅緣干請無復廉
靖之風殆非所以重朝廷厲士操臣愚欲望聖慈申詔
三省謹還堂一次之令以廣吏銓而並將錄簿尉之微稍
有除目則堂選滋重國體益尊昭示群工庶息僥求之
弊從之六年二月四日臣僚言昔神宗皇帝立政造事
鼎新詒謀皆有咸憲而政事之源莫大於官制臣聞元

豐中嘗諭儒臣曰職事官叅奏久矣宇文周李唐蓋嘗
講求六典而未克行今設官領治正名核實考古可法
理須精密郎官非嘗為守倖不在此選奉行之初由列
寺貳卿除授者人以為榮比年以來寢失本旨知縣監
當資序人超躐得之未便事任望實不孚而郎選輕矣
仰惟陛下自躬覽萬機惟熙豐法度是紹乞自今選用
郎官非踐更臺閣則必謹資格如元豐詔旨庶幾仰副
紹休聖緒之意詔令中書省遵守五月二十六日詔經
撫房罷限兩月結絕應事合分隸三省樞密院者並遵
依元豐官制及久來條例施行宣和四年始出師伐
燕王黼實到其議黼於三省置經撫房頗治邊事不復

以調樞密院禁錮遮護甚密他執政往往不得預及經
撫房結罷迺降指揮一宗文籍書行焚毀十二月二十
日太師魯國公致仕蔡京落致仕依前太師領三省事
神霄玉清萬壽宮使五日一赴朝請至都堂治事七年
四月二十七日手詔仰惟神考若稽古制正名百官以
貽休於萬世眷言三省稽決政事維持紀綱之地凡命
令之出所以審議行者必由此焉故嘗有詔曰中書揆
而議之門下省而覆之尚書承而行之有不當者自可
論奏事無巨細遍經三省無出一已使擅其權屬政和
初建議者遂以尚書令僕之名易之公相凡三省之務
悉總治之後復以公相聽為都廳而領三省則初未之

革使神考垂祐不刊之典辱於權臣自營之私良用撫
然朕承丕業率循舊章夙夜於茲大懼弗克祇紹嘗謂
坐遷論道於燕閒者三公之事作而相與推行者宰輔
丞弼之職今居三公論道之位而總領三省衆務使宰
輔丞弼殆成備員殊失所以紹述憲章之意可於尚書
省復置尚書令虛而不除三公止係階官更不總領三
省若曰佐王論道經緯國事則三公其任焉三省並依
元豐成憲毋復侵紊敢輒議者以入不恭論若昔大猷
是正邦典朕庶幾無媿於前人播告中外咸知朕意仍
揭榜朝堂先是李邦彥為左丞日言尚書政事之本也
神考遠稽周官近取唐典乃建六聯以分邦治惟令居

中與漢丞禮絕以太宗皇帝為中書令而尚書令虛位
百年臣下無敢當其任者元豐初詔曰三省各有體統
實相維持元祐初起文彥博平章軍國重事已非故事
繼呂公著司空平章軍國事紹聖臣僚論列以謂當時
大臣陰與公著為地除去重字名曰下彥博一等而實
兼三省之權事無輕重無不與之侵紊先烈莫大於此
然但增平章之名猶未改官制也政和初蔡京自杭州
還朝何執中已任左僕射難以去之遂改令僕之名冠
以且公之號總領三省廢尚書令自治令廳從此尚書
遂無長官其侵紊又過公著矣蔡京致仕王黼奏改公
相廳為都廳既遷太傅則自領三省不避其銓制人主

抑塞士大夫每以元豐為言至自領三省則不復以元豐為法蓋蔡京唱之王黼因之元祐大臣所不敢為者而安為之且元豐五年始行官制曾未數年京乃謂先帝欲改而未果豈不矯誣先帝乎使天下議之國史記之改元豐官制自政和始豈不害陛下述事之孝乎三省者人主出令之地也故舊制宰相同平章事而已新制則僕射兼侍郎而已亦不敢專也今公相領三省則權侔人主非所當也又况三公之官皆以公賞或積累而至非若古者特以論道經邦也蔡京八寶轉太師王黼以平燕轉大傅三公為太宰少宰何為不可而必欲領三省乎矯誣先帝害陛下述事之孝特出於大臣自

營專權之私耳乞復尚書令之名今後三公不許統領
三省並依元豐法至是京罷故有是詔七月九日中書
省言檢會宣和六年二月二十八日奉御筆手詔朕立
政造事以熙庶績董正治官唯前烈是承永惟文考所
以敷遺後人者莫重官制元豐肇分六曹寺監之任非
碩德偉望蓋弗以居選擢之艱多所闕員不為人擇官
也近歲爵祿之柄浸輕士無愜志雖屢命簡汰繞及疎
遠之人權貴進者益衆資淺望輕者遍據要路其何以
紹先猷勸寒儒可自今不歷省臺寺監監司都守開封
曹官雖嘗踐更係監當資序若宰執有服親及戚里並
不除郎官寺監長貳非歷監察御史以上及監司郡守

仍不除少卿若寺監長官非歷寺監丞若校書郎以上
及監司郡守仍不除郎官少監著為定令內宰執有服
親及戚里應仕進者遵熙豐故事與宮祠當喪擢者除
職庶幾名器重而士知勸責任專而人赴功用以克篤
詒謀詔于萬世三省常切遵守違者執奏取旨御史臺
覺察隨除目彈奏咨爾在位其祇予意奉聖旨宣和六
年二月二十八日指揮更不施行八月七日詔今後內
降及傳宣與差遣之人如已差人或違礙資格更不進
呈具因依告示不行欽宗靖康元年正月三日詔祖宗
典訓俱存綱紀修明朕當與執政大臣共遵成憲自今
除授黜陟及恩數等事並須叅酌典故同日詔方今軍

與應內外官司局所除存留後苑作祗備道君皇帝外
其餘一切依熙豐法錢物並納左藏庫令三省樞密院
條具凡一百五處皆罷之同日詔命令之出以信四方
倘朝令夕改人用不孚自今令三省詳議每得輕有改
易以惑人心凡詔敕有不經三省者官司勿行違者並
以違制論七日詔三省樞密院號令所由出體統之嚴
靡容僭紊昔在神祖釐正官制事無大小並中書省取
旨門下省奏覆尚書省施行樞密院為本兵之府朕嘉
與輔臣共遵成憲自今除中書省畫旨尚書省奉行樞
密院專兵政外一遵元豐官制毋或侵紊正月十八日
詔應批降處分雖御筆付出者並作聖旨行下三月二

日監察御史余應求言近年以來凡有中旨皆降御筆
三省有司奉行不暇雖有違戾法憲不敢執奏其始因
中人領事內中奏陳而為之其後士大夫倚中人以市
進歆興功利而法所不許者亦為之最後大臣或行事
有戾法於或差除不允簽議亦為之又有臣僚直達奏
陳內中批降施行者夫朝廷出命之地也天下庶事當
舉以委之若宰執不才退之可也豈有自覽細務悉降
御筆而可以為治哉詔今後聖旨不經三省樞密院者
諸官司不許便行並申中書省審奏俟得旨方許施行
四月九日少宰兼中書侍郎吳敏言迺有道君皇帝下
哀痛之詔神斷英決遂傳大寶陛下初履帝位慨然歆

復祖宗之休烈望明詔宰執遵上皇詔旨取祖宗舊法
悉加討論復其宜於今者以幸天下從之二十日詔應
事涉細碎有司可以專行不須申審者聽三省樞密院
隨事申明行下應被旨急速須索供應待報不及非干
他司者聽隨處覆奏施行訖申尚書省樞密院二十六
日詔臺諫者天子耳目之臣宰執不當薦舉當_出親擢
立為定制五月十一日臣僚言神宗皇帝初定官制令
中書省取旨門下省奏審尚書省施行此國家畫一之
法不可易也今有入內使臣容章_傳使酒歐行道之人送
有司究治中外皆知陛下裁抑內_傳不容暴橫如此今
降指揮乃稱案成送入內省取旨不惟取旨非內侍省

事有紊綱紀又恐先啟開封府觀望之端勸勅失實致
誤典憲欲望聖慈裁著示天下以至公今朝廷取旨施
行仍自今凡取旨事並遵祖宗官制從之七月七日詔
旨三省申明舊制今後不以堂除吏部人凡初改官未
曾寔歷知縣者不許別除差遣八月四日臣僚言竊見
河北陝西帥守近日多有更易在任者不為久居之計
新到者未諳蕃部之情為邊鄙害莫大於此且祖宗之
時帥臣及沿邊郡守有十數年不易者故欲將士相諳
緩急可用欲望應三路帥臣沿邊及近裏要害處知州
詳加選擇使之久任詔令三省樞密院遵守十一月二
十九日詔三省長官名可並修^休未豐官制 高宗建炎

元年五月一日徽猷閣直學士朝散大夫元帥府兵馬
副元帥黃潛善除中書侍郎六月三日宰臣李綱言本
政大畧謂崇觀以來政出多門綱紀紊亂宜一歸之于
中書則朝廷遵詔中書省遵守五日中書侍郎黃潛善
除門下侍郎二十一日詔三省置賞功司三省奏委左
司郎官樞密院姜都承旨檢監察以受功狀違限不施行
者必罰行賂乞取者依軍法許人告三年六月七日罷
賞功司詳載樞密
院十月三日御史中丞顏岐除尚書左丞三年二月二
十二日詔御營使司依舊存留止合管行在五軍一行
軍兵營寨事其餘應干邊防措置等事並合依祖宗舊
法釐正歸三省樞密院四月十三日尚書右僕射兼中

書侍郎呂頤浩等言被旨將元祐中司馬光等建請併
省奏狀召侍從赴都堂展當日參詳尋請戶部尚書孫
覲等九員參詳得委可遵行並無異論臣等今參酌三
省舊尚書左僕射今欲尚書左僕射同中書門下平章
事尚書右僕射今欲尚書右僕射同中書門下平章事
門下侍郎中書侍郎今欲並為叅知政事尚書左丞尚
書右丞今欲減罷從之同日尚書右僕射兼中書侍郎
呂頤浩改同中書門下平章事尚書左丞李昉改叅知
政事八月十三日詔今後除官員係堂除得替人許到
都堂見宰執陳乞差遣外其餘詞狀如係軍期邊防急
切機密公事許詣尚書省陳乞餘更不收接並赴洪州

三省樞密院披訴時隆祐皇太后駐蹕洪州百司扈從
故也四年五月一日詔執政大臣自今監司帥守應辦
軍期有勞者依祖宗舊制止進階官俟有大功顯効間
加職名庶幾名器增重艱難之際人益知勸令三省遵
守六月四日詔自今宰相兼知樞密院事罷御營使先
是臣僚上言宰相之職無所不領非如百職事各有司
存本朝沿五代之制政事分為兩府兵權盡付密院比
年又置御營使司是政出於三也原其建置之因止援
景德幸澶淵之例爾今日事本與當時不同又今兵數
盡總於五軍是以兵柄出於數途而綱紀日以隳紊欲
望詳酌罷御營使司以兵柄付之密院令宰相兼知樞

密院事即令諸將皆當軍職處之提兵如故其兵數密
院別議立額有缺即申密院添補不得非次招收復用
符以驗遣發非獨可收兵柄一賞罰汰冗濫節財用庶
幾因此漸議兵政使復祖宗之舊故有是詔九月二十
五日臣僚言國家自來凡所除授先由大臣進擬而後
下於中書門下兩省臣僚無異論則命詞省審授之其
人拜恩殿陛然後蒞事至於敕命則寫之黃紙示命令
之重且以防姦偽近歲事出迫遽理失雍容多令日下
供職比及舍人封還詞頭給事中條具論駁言事官有
所劾奏則朝廷用人之失已布於中外使士大夫進退
失據殊非祖宗舊典兼自巡幸以來以省劉易教黃小

人易為偽造姦罔寢多命令不嚴於體未便欲乞非軍
旅急遽令不候受告或放辭謝外其餘除授並候受告
入謝方許蒞事其經由去處却合申明日限不使留滯
所有舊來合降敕黃亦乞措置施行庶幾革去姦冒亦
事之不可已也詔令三省樞密院遵守 紹興元年八
月十七日詔尚書省依舊制催驅三省房并復置催驅
六曹房仍令三省催驅房目具已未^結絕文字聞奏○
二年九月二日詔修政局日下罷應今日已前已未行
事並不施行其應干取索公案等并歸尚書省先是是
年六月設修政局上謂輔臣奉檜曰周宣中興內修政
事外攘夷狄卿設此局令百官各陳其利害甚善修車

馬備器械外攘夷狄之事卿宜講求於是以戶部侍郎
兼侍讀黃叔敖充修政局叅詳官叔敖條具請置修政
局提舉官依講議司例歇閑會三省樞密院及取索行
遣供報貼子押檢閱文字應事干機速入遞文字並依
尚書省遞發及就用本省印仍乞指名差人吏檢閱文
字二人主管文字四人書寫文字四人其公使錢依昨
講議司下權貨務限以二萬貫每料作二千貫支供就
委叅議官一員兼本局叅詳官及置檢討官至是臣僚
上言今日忽聞夜有異星引光而長必妖星慧孛之類
願陛下修省庶幾轉災為福今修政局所講多刻薄之
事內外聞之人心已失願直罷之使依限結局故降詔

嚴馬三年正月十四日詔無效入三省諸門許人告捕
每名賞錢三十貫餘依見行條法以尚書省言未有告
捕給賞條法故也四年三月十一日樞密院言宰臣兼
知樞密院事其本院諸房文字依紹興元年十二月十
九日指揮與知院簽書院事見分輪通治唯機速房文
字係宰臣判筆未曾分輪緣三省事務繁多竊慮文字
擁併致有稽滯所有機速房文字欲今後宰臣知樞密
院事簽書樞密院事輪日當筆從之五月十一日侍御
史韓炳言乞宣諭大臣繼自今勿廢都堂公見之禮則
必無乏材之嘆傳曰上臣事君以人況在今日不可忽
也詔令三省通知七年二月十三日詔今後應諸處舉

辟官員差遣並令中書門下省籍記所辟姓名如任內
犯入已贓徒以上罪其元辟官取旨行遣三月十日詔
軍旅方興事務日繁若悉從相臣省決即於軍事相妨
可除中書門下省依舊外其尚書省常程事權從叅知
政事分治所有合行分治事今張俊條具取旨浚乞更禮兵房令張守分治戶
刑工房令陳與義分治如係已得聖旨文字合出告命
敕劄并合關內外官司及緊切批狀堂劄臣依舊書押
外餘並止叅知政事通書從之九年三月二十二日左
諫議大夫曾統言朝廷命令必由中書門下省後付之
尚書省乃謂之勅命之未下則有給舍封駁及其既出
則有臺諫論列其為過舉鮮矣自軍興以來機務急遽

始有畫黃未下不待舍人承行給事書讀即以成事付之尚書省凡所除授一切報行其行在職事官便令日下供職習以為常恬不知怪望特降旨應事干軍期有不可緩者依舊報行其餘除授須俟拜命方許視職所有經由去處自合申嚴日限不得留滯至若畫黃未下勅命未成即乞檢會建炎四年九月指揮施行從之十一年十二月十五日詔監當資序人勿除郡守知縣資序勿除監司其已除未到者令吏部供具姓名籍之內曾任監察御史以上職事則不拘令三省遵守以臣僚言資格雖曰不拘蓋亦不可盡廢其間除授至有超越數等者故有是詔二十五年十二月十一日詔命官

犯罪勘鞫已成具案奏裁比年以來多是大臣便作已奉^特旨一面施行自今後三省將上取旨二十六年十二月四日宰臣湯思退陳誠之言伏覩仁宗朝詔中書應臺諫言事皆錄報樞密院及大觀本院令臺諫臣僚上言本院取旨審量凡六條比年緣宰臣兼領久廢故事臣僚建言密院多不與知乞詔三省遵依舊制上曰三省事務如議論涉軍政及邊防自合關報樞密院思退曰祖宗朝有大政事典禮樞密院皆與議上曰近輔日聞機密豈容有不知之事誠之曰只緣宰臣兼領院日諸房循習日久有各關報事宜多不錄送上曰今後當遵舊制於是降旨行下二十七年七月十三日中書

舍人周麟之言國朝稽古建官分三省以釐天下之務
凡有令命則中書省取旨門下省審駁尚書省頒行三
省相參而後百度正紀綱舉所以致其謹具示不專也
然自累朝以來號東西二省為維持政本之地尤重其
選或政令之罷行失當人才之進退非宜在中書則舍
人得以封繳門下則給事中得以論駁皆於命令未行
之前而彌縫正救之則朝廷不至有反汗之嫌天下不
見其過舉之迹爰自近歲事與舊違當軍興時則有事
干機速不可少緩及休兵之後因仍不改用事者又私
意事任廢棄成法故有所謂報者有所謂中入報者有
所謂尚先行者有所謂入已者往往皆成定例自陛下

更化數者之弊固已稍革然襲之久紐於故常未暇一
一釐正若使詔旨一頒敕札隨降所謂給舍者但書押
已行之事而已設或事當論奏則成命已付於有司除
目已布於中外使士大夫進退失據在朝廷亦為難處
甚非祖宗所以分三省建官之意欲望申明舊制凡命
令之出並經兩省或無封繳即皆畫時行下庶幾盡蠲
宿弊昭示至公復祖宗之成憲從之

宋會要

三省

孝宗隆興元年三月十六日詔監奏院主管官告院登聞檢院監登聞鼓院幹辦諸司糧料院幹辦諸司審計司幹辦諸軍審計司主管吏戶部禮兵部刑工部架閣庫車賂院監官行在推貨務都茶場提轄并監官建康鎮江府推貨務都茶場監官雜賣場提轄六部監門建康府鎮江府鄂州分差糧料院監官大宗正司主管宗室財用主管西南外敦宗院文思院提轄點檢購軍酒庫所主管文字幹辦公事糴場監官西南外敦宗院宗學教授臨安紹興建康平江府洪福潭娶明宣秀太平州教授已上闕椿留充薦舉并陞權及試中人四月二

十七日詔今後有司所行事件並遵依祖宗條法并紹興三十一年十二月十七日指揮更不得引例及稱疑似取自朝廷指揮如敢違戾官吏重作施行先是吏部侍郎凌景夏等言看詳到下吏舞文曲說所欲予者巧為之地所欲不予者深抑其情至於六部之所勘當則取決於三省群胥大理寺之所斷決則稟聽於朝廷風旨其弊已久謂為固然願嚴為之禁一切惟法之從而不惟例之聽則事簡而易行今檢會紹興三十一年十二月十七日臣僚上言國家累聖相承垂二百年文謨武烈克貽厥後在臺省則為憲綱在有司則為甲令今則不然均是事也而有前批後批之殊同是法也而有

元降續降之別歌予則巧為傳會歌奪則工於舞文法
不相當則云更合取自朝廷指揮自知無法可行則云
如朝廷特指揮於本部條法別無違礙有勸當已上而
退送者有未及勸當而奏狀者或因堂白而面授旨意
或無處分而唯務陸沉變亂舊章眩惑觀聽可不深懲
而痛革歟願詔三省大臣凡四方奏請送有司令各以
成法未上盡捐宿弊其不以實而依違遷就者主典科
違制之罪長吏以不職免所居官臺諫常切覺察令三
省六曹遵守故有是命 乾道元年二月二十日詔自
今應堂除已授在外差遣人非選材能特旨升擢者並
不許干求更換差遣三省樞密院可常行遵守仍著為

令二十一日臣僚上言臣聞有一言而盡致治之道曰公而已法令天下之至公也苟以私意行乎其間則公道安得不廢哉陛下臨御以來首以監司郡守數易為禁必俟三年滿替可謂盡善行之未久而監司郡守紛然求改至今有無故輒易者矣添差官不許釐務其所關防不為無益行之亦未一年比來稍放行釐務矣初改官人惟許注知縣良法也今奔競者不樂為邑經營堂除有不注知縣者矣有差遣人不許換易良法也今奔競者不樂已受之命百端別圖而換易紛紛矣至如蔭補初官人法當詮試今有堂除免試者亦有初官試吏便得職事官者有到任旬日而躡等遣美官者如此

之類未可悉數欲望陛下特諭大臣自今各遵成憲以
公減私差除之際或礙格法勿妄以授庶俾法令少振
奔競漸衰中書之務清始可以言治道矣若果有材能
可用或因薦召或已籍記應陞擢者除必詢謀僉諧隨
材以授勿以所親故厚之勿以其不附已故薄之苟出
於無心合於公論則人亦安得而議其後邪從之七月
四日臣僚上言守官之弊重內輕外革之宜更出迭入
若未歷州縣不得居清要未任監司不得居郎曹外有
治効擢之內職內有實績擢之外任凡有補外者中書
省籍記姓名治政有功如期召擢及擬官之際要先具
曾充外任庶幾官宿其業人効其職無因循苟簡之志

矣詔令中書省置籍二十九日中書門下省言三省諸
房條具到重複事件吏房勘會一吏部申使臣乞收
使轉官先降指揮依申毀抹公據訖再申命詞或降可
項給告一吏部申陣亡之家乞收使恩澤補授使臣名
目先降指揮依申批鑒或毀抹公據再申命詞給告欲
並候得畫令本房照應取索前衙後擬納舍人命詞并
降可項行下戶部勘會一戶部申自来過關點檢戶
部贍軍酒庫官係戶部申乞差官朝廷降指揮差官訖
後又申合行事務並依點檢所見行條法指揮施行係
是重複欲令戶部今後止作一狀申請一每遇差奉使
使副降指揮合用禮物依某年體例施行同日又降指

揮所有私覲依數支降二項係是重複畝今後作一件
送衙禮部勘會一禮部申逐次所差奉使下三節官
屬往回所得轉官除起程先轉一官資吏部作一狀擬
申朝廷命詞給告外其回程所得官資往往候逐人陳
狀逐旋申請事屬重複畝令吏部類作一狀擬申朝廷
命詞給告行下一勘會官司乞鑄牌印在法創給者取
裁所有宗室若臣僚除授正任團練使已工應給賜牌
印者止合本部一面擬申篆文鑄造訖依自來條例給
賜近來一例申乞取裁頭是重複畝令禮部照會施行
兵部勘會一兵部申南平王遇加恩乞給賜禮物降
指揮下日數內馬二疋闕駕部又申朝廷下廣西經畧

司應副及金鍍銀鞍轡一副複全給賜了日鞍轡庫依
例申駕部本再申朝廷降指揮除破合一就取旨施
行更不須再降指揮委是重複欲令駕部今後互相關
會共作一次申請指揮施行本部四司應有似此重複
申請文字依此一勘會諸處差到押馬使臣等已除指
揮依格與轉官資內有付身未圓或整會差錯重叠及
不曾將到真本付身之類吏部先次出給轉官資公據
後來本人繳連陳乞收使本部又申朝廷請降指揮方
與內轉今來係已承指揮與轉官資止是公據即不須
再降指揮欲令吏部今後將似此陳乞之人契勘如別
無違礙即具前銜後擬并定詞申乞給降告命其公據

先次當官批鑒毀抹訖隨狀繳連照驗一勘會處諸差到押馬使臣等已降指揮依格合轉降官資之人吏部每一名作一狀申乞降告委是素煩欲令吏部今後將押馬合轉降官資之人諸案元相關會類聚每三人或五人共作一狀具前銜後擬并定詞申乞給降告命刑房勘會一刑部申收到諸官司按發狀如已降指揮施行再有付到別官司按發文狀事體一同欲止請筆判已行連及更不再降指揮如有再官司按發與前狀事體不同即合再降指揮並從之十二月二十三日試中書舍人蔣希言乞詔三省自今錄黃除軍期急速并引見日分期限迫促不容少緩方許先報尚書出劄子

其餘必待書讀然後行仍令三省循遺制書遵從祖宗舊制百刻條限則雖經書讀亦自不至濡滯沒之二年

五月十二日詔自今文武官出頭並令改作庭參

詳見
樞密

院

九月十三日詔自今後三省樞密院遇赴常朝等畢

許出南北門三年二月十三日起居舍人洪邁言登汰細故以清中書之務上曰朕嘗見通鑑載唐太宗謂宰相聽受詞訟繁於簿書日不暇給因敕尚書細務屬左右丞朕見欽理會卿所論可謂至當十一月十一日檢正左右司言條具三省諸房簡省事件中書門下省戶房一應獻納錢米借補官資一提舉監司保明到監場押袋官任滿合推賞歆令戶部照應見行條法指揮施

行如該轉補官資即令閑報吏部具鈔兵房一下班祇應以下改正重疊欵令兵部擬定具鈔如畫聞鈔下部其繳到付身令申都省置籍送左右司毀抹一借補官資於正名目上收使所屬給到真命轉官資公據之人自来係逐旋申取朝廷指揮欵令兵部閑報吏部今後依紹興九年七月二十八日比折減半指揮施行更不申取朝廷指揮 刑部一歸正副尉陳乞添差一陣亡之家陳乞副尉恩澤乞照使臣下班祇應體例施行欵乞刑部照應見行條法指揮擬定具鈔尚書省 吏房一元係送中吏部申到應合添差歸正官今欵令本房送吏部照應條法指揮具鈔一元係批送勘當歸正伏

乞添差諸軍棟汰使臣乞添差已上二件令歆令本房
送吏部照應條法指揮具鈔文臣依赦乞宮觀岳廟令
歆令本房附籍付部照應條法指揮施行一元係前送
宗室乞過大禮恩澤宗室賜名授官京朝官保舉文字
出官諸處申到官員陳乞到任任滿賞官員乞回授轉
官應陳乞收使轉官減年封號收使致仕遺表大禮奏
薦總領所具到棟汰使臣職位已上八件今歆令本房
附籍付部照應條法指揮施行 戶房一元係批送勘
當諸路保明到勸諭耕田賞諸路保明到勸諭賣告賑
濟賞諸路保明到權場賞任滿諸路保明到和糴米賞
押袋鹽賞已上四件歆令本房付部照應條法指揮施

行一元係批送依條諸州軍保明到某人拘催無額錢
償諸州軍保明到某人起發經制錢賞諸州軍申押綱
人有指揮許推賞已上三件今欲令本房附籍付部照
應條法指揮施行一元係批送諸州軍奏無透漏私茶
鹽諸州軍奏無銅錢出界諸州軍申獲到私鹽數諸州
軍申茶鹽帳狀已上四件今欲令本房附籍付部照應
諸州軍申恩澤令欲令本房附籍付部一元係批送照
應總領所申已差人支請衣賜諸州軍申無埋瘞歸正
人數諸州軍申即無營田物斛數目諸州軍申除災傷
租稅總領所申蘆物收支錢物諸處申鹽價諸處申白
礬已上七件今欲令本房附籍付戶部 禮房一元係

送中奉使回程結局歌令本房送部照應元被送申請
指揮並依去年及某官已得指揮其結局日合照應施
行即不須今後再降指揮一元係批送部勘當僧道元
換給度牒官員乞應辦人使賞宗室女夫房卧錢壽聖
皇后官更到殿十年賞已上四件令歌令本房附籍付
部照應條法指揮施行一元係前送諸州申奏宗女過
禮應陳乞收使冠帔紫衣師號二件歌令本房附應付
部照應條法指揮施行 兵房一元係送中陣亡所得
茶酒班祇應恩澤與見男子承受官員收使押馬轉官
已上二件歌令本房造部照應條法指揮具鈔諸軍改
正功賞差錯姓名軍分

若係諸軍中發合前送下部若
係曹部備申方令批書中

諸軍部將已工折補官宿州不該賞借補正人收使借
補日所得轉資比折減半已上三件欲令本房批依一
元係批送勘當歸正人陳乞添差今欲令本房附籍付
部照應條法指揮施行一元係送部儀鸞司申乞變染
陳設等欲令本房擬行一元係批送依條諸軍官兵收
使轉資諸官司及外路州軍等處申到已有條法事件
已上二件欲令本房附籍付部照應條法指揮施行一
元係批照文字諸路提舉馬遞鋪官申到每月已支散
鋪兵錢米帳欲令本房附籍付部照會一元係前送部
諸總領及諸州軍具到見在軍器數諸州軍申奏廟軍
申奏刺員數諸州提舉馬遞鋪官保明到巡轄使臣遞

角賞已上三項欵令本房附籍付部照應條法指揮施行一元係判照文字諸官司及外路州軍等處申乞事已降指揮了當逐處申到已知稟施行欵令本部附籍照應一元係判已行諸官司及外路州軍等處申乞事件已降指揮本處未曾承受間再有申奏到文狀欵令本房附籍照會刑房一元係送中歸正副尉添差差使令欵本房附籍照應條法施行指揮具鈔一元係批送部勘當大宗正司奏宗子乞依奏文放免欵令本房附籍付部照敕條施行如內有情犯深重之人令刑部開具元犯申取朝廷指揮一元係劄下臨安府申今年寒食節約束諸軍營寨燒紙錢欵令本房劄下今後似

此檢舉約束不須再劄一元係前批送部應陳乞收使
給使減年欲令本房附籍付刑部照應條法指揮施行
工部房一元係前送部諸州軍申到減壁帳狀諸州軍
申到廂軍工匠帳狀諸州軍申奏無毀壞錢寶私鑄銅
器人已上三件欲令本房附籍付部諸軍司州軍申乞
事已降旨揮了當逐處申到已知稟施行工部申四季
點檢司農寺無違戾等福建市舶司申無抽買皮角等
已上三件欲令本房附籍照應一元係批送照會臨安
府轉運司申逐日應修造過去過處臨安府申招到捍江
兵士數福建轉運司申諸州軍起發軍器物料等赴行
在送納已上三件欲令本房附籍付工部照封樁戶房

一元係批送依條諸路提刑司申到官員拘發總制等
錢並令本房附籍付部照應條法指揮施行並從之四
年八月十六日詔今後臣僚及諸處官司如直得旨並
仰依條申朝廷奏審內承受金字牌御筆處分先次施
行訖具事因申三省樞密院五年二月二十一日詔國
用司可罷其所行事務併歸三省一戶房八月十二日
中書門下有言竊見寺監丞簿學官大理司直密院編
修之類謂之職事官朝廷所以儲用人才比年以來往
往差下待闕數政欲望特降旨揮今後職事官須見闕
方得除人其已差下數政乞朝廷稍復諸州添差釐務
通簽判教授屬官等闕以處之他時職事官有闕却從

朝廷於曹差下人內選擇召用詔已差下人如應赴在
半年內許令赴上在半年外人各以資序高下除授一
次其所復添差等闕今後更不作闕三省常切遵守施
行十二月三日詔今後已降指揮合待報事銓諸房置
簿隨日抄上時行檢舉拘推仍令左右司勾銓結押如
有違慢去處三省開具取旨六年二月二十二日詔令
檢正都司檢詳編修具三省密院煩碎不急之務合歸
有司者申尚書省八月二十一日左右司言三省樞密
院并屬司呼叫六曹等處人吏供報文字係官押貼子
費公案前來整會仍令都中門各行置廢批鑒去處某
人赴甚處供報應六部等處知雜司如敢輒入三省樞

密院都門仰監門官并密院使臣密切檢察具姓名申
取朝廷指揮從之 九月十六日詔三省樞密院官并
諸房都錄事副承旨已下所帶人從轎馬於省門內坐
卧喧鬧委是冗雜及省院并在省官司人更有無故入
六曹竊恐因而傳報事宜理合措置一宰執合破隨逐
祇應人除大程官虞候外其親兵橋番並已給青號押
宰執照驗入出省門所有給舍諫官都副丞旨檢正都
司檢詳編修官除聽子親事官許行隨逐在省祇應其
轎番人從一例隨官員入省委是冗雜欲自今後將前
項官應依條合破顧募人各與給牌子一箇繫帶照應
入出如有兼領差遣亦許支給降執從物人於所給牌

子^上書鑒許入中門其餘人從並候宰執出省訖方得

仍令

監門官常切照驗一三省樞密院諸房應轄馬今

後並不得入省中門除本省依條合破雇募每人各給
牌子一箇三省樞密院主事以上二人主行文字并屬
司行遣人行首司客直省官以上及樞密院都堂當職
事使人每人將帶打食兵士一名隨逐應入省中門內
諸處看管兵士亦各給牌子書鑒許入中門餘人並候
出局方許放入仍仰監門官吏常切指約一自今後三
省樞密院諸房并在省官同人吏無故並不得出入六
曹切恐因而傳報事宜仍仰都門官并樞密院使臣常
覺察一切見三省樞密院正名大程官許承發諸房文

字其七分大程官依指揮尚不得當房差便近來諸房
往往私輒收游手之人稱貼房大程官占留使喚詐作
官貼子在外取索官員付身及脚色之類或恐漏泄差
除深屬不便自今後應充貼房大程官並不得放令入
省如有違犯之人送所屬重作施行令監門官常切檢
察一應三省樞密院諸房并屬司自今後應押官貼子
下六曹百司取索文字並要貼子背勘同職級於勘同
文字下書鑒差大程官某人承受可以機察詐偽一所
有合置牌子欵下三省樞密院激賞庫候報人數照應
置造並屬官押字給付一應官員合赴都堂稟議職事
所帶人從除承行人吏一兩名并虞候廳子及執從物

人一兩名許於大門請牌子隨逐入中門餘人並在中門外到堂官員依此並從之十二月九日中書門下省言將諸房承受尚書省樞密院送中書事件除軍期急速事干邊界緊切待報并文武執事官除目及典禮并合進呈取旨文字外其餘應擬進事件乞並令逐房每日各只作一狀開具事因擬奏得旨分隸曹部畫降錄黃送尚書省施行詔並權依八年二月二十五日詔三省令後取索三衙文字貼于令檢正都司印押圓備方得給發逐司承受並須盡實用大狀繫衙申三省五月六日中書門下有言勘未經任人不許堂除進士及第第_一人試中宏詞教官及刑法第二等以上人依舊堂除

餘未曾經任及未經銓試之人並不許堂除應初出官
未經銓試並不許陳乞堂除不許干求換易已得差遣
求換易之人令三省具名聞奏當議降黜應堂除已授
在外遣差人非選材能特與陞擢者並不許干求換易
差遣倉場庫務官通差文武官內推貨務左藏庫雜買
務雜買鹽場官文^武京朝官差知縣資序與職官令錄
以上資序武臣差大小使臣親民資序人提轄官差通
判資序及第二任知縣人仍不差年六十以上并曾犯
贓私罪人六院官差法官分差鎮江建康府鄆州魚關
利州糧料院今後通差實歷知縣縣令一任人總領所
并諸司屬官幹辦公事並差京官以上準備差遣差使

並差選人詔並依三省樞密院常切遵守施行九月九日詔三省樞密院今後遇有創行指揮已差呈畢並再同進熟文字繳入候畫寶降出然後施行九年四月二十三日三省進呈武臣差除格梁克家等奏曰文臣經朝廷陳乞差遣皆有準繩而武臣陳乞舊無定論或小便使臣便欲將副以上或橫行使臣又軍功者止監獄祠令斟酌官品資序及有無軍功立為限制庶免混淆上曰此甚好不唯高卑各得其當且使之絕意妄求可以省事 淳熙元年九月六日詔應行在職事釐務官自今任滿非擢用者並依資格更迭補外十一月十八日詔職事釐務官去替一年內許除代仍不得差過一政

二年十一月七日詔三省合存留火燭去處當宿官更
不出局如遇假故亦早入宿已而檢正諸房公事劉孝
題等言當宿官如遇假日自有合輪當日人吏面時出
省假日乞自申時入宿仍置歷親書姓名押宿官從之
四年六月十六日詔自今三省樞密院進呈文字所得
之旨朝退即具奏審承畫降方可施行八月四日詔自
今職事釐務官並見闕差除其乾道九年十二月五日
已降指揮更不施行繼而淳熙四年十二月殿中侍御
史江溥言近來間有除授不出敕筭別於朝堂置籍以
俟闕至詔復不得先次注籍須見闕方許除授五年閏
六月一日詔自今後職事官并六院官任滿日依紹興

格例臨時取旨除授六年六月五日詔三省入熟文字可並免用黃貼子先是上謂輔臣曰凡進入熟施行事省中自一一有底可以稽考其黃貼子禁中只作一卷連粘初無稽考自今可免寫此則省文書不少矣趙雄等奏曰中書之務貴於清簡聖慮可謂遠矣八年二月十四日詔中書門下省刑房置簿將淳熙三年正月一日以後應命官在任因罪犯放罷取勘之人逐一編錄銷注其未結絕名件以時舉催如有違慢取旨行罰二十四日詔自今所下命令事涉興利除害而非旬月所能辦者並令三省置籍以時舉催如有違慢取旨行責罰二十九日詔令令籍獄案籍每季於孟月一日進入

一次既而十二年正月三省言有行_臣諸州催促至十
餘次尚未施行結絕者詔自今不須行移催促只一季
將上擇其怠慢者懲之十二年二月十五日詔兩淮郡
守且盡留闕候半年前方可差人先是進呈劉國瑞乞
審擇沿邊守臣上曰邊守豈可不擇然此文字不須行
但今後兩淮郡守留取幾闕未須差人准等奏若是留
闕須指定留某州軍不然人見闕近竟來干堂故有是
命十三年二月十三日詔州軍留闕令中書置簿籍定
但是_臣遵守亦不須行出十四年十一月八日詔宗室_臣
廟已曾裁減立為定額自今堂除添差須是年高或病
病久閑無差遣人方與不應與者一面告示

因趙文夫等陳乞故

命有是十二月二十一日三省言已降指揮皇太子可隔

日就議事堂叅決庶務如有差擢在內自寺監丞在外

自守臣以下悉委皇太子與宰執同議除授以聞今叅

酌如右在內寺監丞以下六院四轄六部監門主管架

閣文字以上係在京釐務官元係將上詔叅決在守臣

以下叅議官通判堂除知縣教授之類應合添差不釐

務差遣諸司倉場庫務監官等諸處應格辟差文字之

額元係將上令欲在內曾任監察御史以上在外曾任

監司以上之人進呈取旨餘於議事堂叅決詔不叅決

內外章奏并上殿劄子內有御筆將上并合稟旨事件

詔叅決六部等處及諸路監司州軍申到文字如係待

報合降指揮資不即向前救護已罰供給茶湯錢三百
月以為懲戒乞賜施行詔歲拱支犒設錢三百貫文董
慶祖王師雄各二百貫文其錢令左藏庫支給

宋會要

中書門下省

中書門下中書國朝中書門下題榜止曰中書印大行敕
曰中書門下中書令侍中及丞郎以上至三師同中書門下
平章事並為正宰相二員以上即分日知印官至僕射
以上書敕中不著姓緣唐制領館職昭文殿大學士監
修國史首相領之集賢殿大學士次相領之又嘗令首
相領玉清昭應宮使亦如唐領太清宮使也後罷之中
書舍人以上至尚書為叅知政事貳宰相之任也。太
祖乾德二年正月以趙普為宰相制既下時范質等已
罷綸誥將出無宰相書敕太祖令問翰林學士講求故
事承旨陶穀以為自古輔相未嘗虛位唯唐太和中甘

露事後數日無宰相當時僕射令狐楚等奉行制書今尚書亦南省官似可書敕學士竇儀曰穀之所陳非承平時事不足援據令皇弟開封尹同平章事即宰相之任也帝聞之曰儀之言是矣即命太宗書敕以賜之四月以^樞密直學士尚書兵部侍郎薛居正兵部侍郎呂餘慶並本官叅知政事先是已命趙普為相將用居正等為之副既而難其名稱召翰林承旨陶穀門下丞相一等者有何官對曰唐有叅知機務叅知政事故以命之仍令不宣制不押班不知印不升政事堂止令就宣徽使廳上視事殿庭別設埽位於宰相後敕尾書銜降宰相數字月俸雜給皆半之蓋帝意未欲令居正等名

位與普齊也史臣錢若水等曰按唐故事裴敘為右僕射知政事杜淹為御史大夫參議朝政魏徵為祕書監參預朝政蕭瑀為持進參議政事劉洎為黃門侍郎參知政事劉幽求為中書舍人參知機務然並宰相之任也又高宗嘗欲用郭待舉參知政事即而謂崔知溫曰待舉等歷任尚淺未可與卿等同名稱遂令於中書門下同承進止平章事以此言之平章事亞於參知政事矣今穀不能遠引漢御史大夫亞相故事為對譌以參知政事為下丞相一等穀失之矣議者惜之。開寶六年六月二十日詔吏部侍郎參知政事薛居正吏部侍郎參知政事呂餘慶於都堂為宰相趙普同議公事二

十八日詔中書門下押班知印及祠祭行香今後宜令宰相趙普與居正等輪知先是宰臣樞密每候對長春殿同止廬中時帝聞趙普子承宗娶樞密使李崇矩女因詔分為幕次。太宗雍熙四年九月御史臺言文德殿常朝百官皆有塼位唯參知政事每遇橫行參假未有塼位詔令依位排砌。端拱元年七月詔太保兼侍中趙普三伏極熱逐日絕早歸私第故事宰相以未時歸第是歲大熱特有是命以示尊獎也。二年詔侍中趙普免朝謁止日赴中書視事有大政即時召對。淳化二年四月右司諫知制誥王禹偁請自今羣官候見宰相須朝罷於政事堂同時接見其樞密使亦候都堂

坐請見並不得於本廳接見賓客以防請託詔從之左
正言直史館謝泌言然則疑大臣以私也夫以萬幾之
務屢任輔臣非接見羣官何以盡知外事若止令都堂
候見則咨事無解衣之暇古人有言疑則勿用用則勿
疑若糾紛季世實可為慮今政在人主何必疑大臣為
此等事乎設若杜公堂謁見之禮豈無私室乎塞相府
請託之漸豈無他徑乎——太宗覽奏嘉歎即追還前詔
令宰相樞密使等接見賓客如故仍以泌所上表送史
館右司諫史館修撰梁周翰亦上言群臣非有公事不
得於中書候見宰相自餘朔望及慶弔任於私第修謁
免妨政事奏入不報先是趙普居守西洛呂蒙正以寬

簡自任王沔怙權政事多所專決素與張齊賢陳恕忤至是二人並知政事沔不自安常慮有以中書舊事告之及禹偁奏入遂下其事復以泌言帝寤遂寢國初時不喜人附會故大臣不於私第見客百官亦罕造門只詣中書請謁日不下百輩宰相至午或不得食敕牒堆積政事停廢其私請者蓋十八九議者以禹偁所論為然但須於政事堂邀宰相都見為難爾五年四月帝問宰相唐以來宰相書考故事翌日語近臣曰朕細觀之皆空言耳莫若與國家和陰陽撫夷夏盡輔弼之力方為實効也。至道元年四月詔曰自今參知政事宜與宰相輪日知印押正衙班其位執先異位宜合而為一

遇宰相使相視事及商議軍國政事並得升都堂先是
呂端寇準並為諫議大夫參知政事至是端作相準尚
參知政事端慮準不平且言臣兄餘慶任參知政事日
恚與宰相同願舉行之特從其請以慰其心焉二年七
月詔自今中書所行劄子並須具奏取旨方可行下先
是左正言馮拯太常博士彭惟節並通判廣州拯官本
在惟節之上及覃慶還負外郎值參知政事寇準知印
以拯為虞部惟節為屯田自是後廣州文奏繫書惟節
仍在拯下中書降劄子惟節在拯上仍特免勘拯訴中
書除授不當并免勘之理帝曰拯非理受辱宜當披訴
中書何故如此呂端曰寇準剛強自任實由臣等庸懦

因謝罪帝又曰前代中書以堂帖旨揮乃是權臣假此
名以威福天下也——太祖朝趙普在中書其堂帖勢力
重於敕命朝廷尋令削去今何却置劄子劄子堂帖大
同小異耳張洎對曰劄子是中書行遣小事文字亦如
京百司有符牒關刺劄子廢之則別無公式文字可旨
揮常事帝曰自今但干近上公事須降敕處分其合用
劄子亦當取旨後行準自太廟祠事迴於前殿謁見宣
示中書除授及旨揮馮拯事理不直準抗論不已帝曰
若須廷辯是非則又何體因嘆曰雀鼠尚曉人意况人
乎數日罷準政事閏七月詔自令中書門下只令宰相
押班知印其參知政事遇正衙橫行參假並重行異位

非議軍國政事不得升都堂祠祭行香書敕並以開寶
六年六月二十八日詔書從事時既逐寇準即令復舊
真宗初即位對宰臣皆不名呼呂端等再拜懇請帝曰
公等顧命元老朕何敢比先帝乎。咸平三年十月詔
宰臣參知政事依舊許令騎馬入中書大門至逐聽下
馬。五年十二月詔以宰相呂蒙正李沆各兼門下侍郎
舊制三師三公左右僕射平章事並兼兩省侍郎學士
宋白梁周翰當草制之夕忽遽遺忘其事帝以問白等
不能對但乞改正更不降制只帖麻用印重寫誥身許
之白等各罰俸一月。景德元年八月奉明德皇太后謚
寶冊告于太廟時無宰相惟參知政事畢士安攝事帝

特令親王下赴及行禮士安已為相遂令親王却赴班
四年六月中書門下樞密院言曰伏覩近降御劄諮詢
諫官振舉臺憲益欲廣聞言路盡達物情至於宰執近
臣咸令旌別淑慝其如中書樞密院接待賓客累經條
約未協便宜雖樞機之任故須慎密而政事之間亦資
詢訪儻若蚤暮接待慮機務因茲滯留如或咸見艱難
亦別害無由啟露况又分廳言事各有異同將徇至公
望頒定制欲請自今臣僚如有公事逐日於巳時以前
聚廳見客如已分廳即候次日急速者不在此限非因
公事不得到中書樞密院詔曰朕自纂承大寶惕厲深
衷務欲迪於四聰冀獨綸於庶政近行條制用激誠明

而卿等沛然盡忠蔚為同德共成讜議列奏封章謂偏
聽以生姦獨相見以非便願頒明詔特立新規有庶官
之啟陳欲會聽而延接茲惟遠慮雅協朕懷每念左右
之臣順心之寄必自敦於至信豈曲采於單辭苟非責
實而有稽未嘗過虛而輒奏人之言偽徒使心勞今此
傾輸並依所請兼以已時為限免令機務相妨即等既
設準繩即須尊守思企聳於群望當表率於具僚仍令
閣門御史臺告示臣僚各體予意是月詔令後中書所
行事關軍機及內職者樞密院樞密院所行事關民政
及京朝官者報中書時中書命秘書丞楊士元通判鳳
翔府樞密院命士元監內香藥庫兩府不相知宣敕各

下遂有此詔。大中祥符三年十月令中書日會於宰相王旦廳至辰時而罷八年四月帝謂宰臣王旦等曰上封者言中書不言事罕接賓客政令頗稽滯旦等對曰中書當言者惟進賢退不肖四方邊事郡縣水旱官吏能否刑法枉直此數事日奉德音動稟進止外人不知者是臣等無漏言也罕接賓客誠亦有之如轉運使副提點刑獄邊要蕃郡知州及非次將命郡臣辭見之後多接見之或齎到文字觀其所述可以詳悉自再加詢問多涉僥求陳乞大約中書庶事動守程式不敢隨意增損行遣疾徐日有奏籍然思慮不至事有未免重煩聖斷是臣等過也皆再拜帝慰諭之。○天禧元年五

元豐三年

月制太保兼門下侍郎同中書門下平章事王旦可特授守太尉兼侍中加食邑一千戶食實封六百戶特許五日一赴起居每起居日入中書或遇軍國重事不限時日並令入預參決旦詣便殿占謝固辭旦言私門百口屬疾將遍比望退身以息災咎今加峻秩是愈增罪語甚切復奉密疏懇請二十三日下制追寢前命授依前太保兼門下侍郎平章事加食邑千戶實封六百戶每三五日一赴起居日入中書或遇稍安勿拘此制

仁宗慶歷三年三月詔宰臣呂夷簡每有軍國大事與中書門下樞密院同議以聞以夷簡宿疾在告故優有是命夷簡懇請罷預議軍國大事從之。元豐三年初

以下移後漢
宗治平二年
修下

卷一百一十九

一

置局詳定官制自後官制因革增損並列于後 神宗
正史職官志國朝建官沿襲五代太祖太宗監藩鎮之
弊乃以尚書郎曹卿等官出領外寄三歲一易坐銷外
重分列之勢故累朝因仍無所改革百有餘年官寢失
實三省長官尚書中書令侍中不與政僕射尚書侍郎
郎中負外與九寺五監皆為空官特以寓祿秩序位品
而已——神宗初即位慨然欲更張之謂中書政事之本
首開制置中書條例司設五房檢正官以清中書之務
又置制置三司條例司以理天下之財置諸路提舉常
平廣惠農田水利差役官隸於司農以修農政簡樞密
武選而置審官西院創民兵保甲法以歸兵部作軍器

監以除戎器新大理寺以省滯獄增國子監太學官以大興庠序復將作監以董百工十數年之間自國子太學司農兵部軍器大理將作各已畧循古制備置官屬使修其職業於是法度明庠序興農政修武備飭刑獄清械器利疊疊乎董正治官之實舉矣然名未正也熙寧末上欲正官名始命館閣校唐六典元豐三年以摹本賜群臣遂下詔命官置局以議制作上自考求故實間下手詔或親臨決以定其論凡百司庶務皆以類別所分之職所總之務自位敘名分憲令版圖文移案牘訟訴期會總領循行舉名鈎考有革有因有損有益有舉諸此而施諸彼有捨諸彼而受諸此有當警於官有

當布於衆者自一事以上本末次第各區處而科條之而察官府之治有正而治之者有旁而治之者有統而而治之者省曹寺監以長治屬正而治之者也故其爲法詳御史非其長而以察爲官旁而治之者也故其爲法略都省無所不總統而治之者也故其法當考其成於是長吏察月御史察季都省察歲五年三省六曹御史臺秘書省九寺五監之法成即宮城之西以營新省省成上親臨幸召問以執事而訓戒之省官遷秩有差自是繼有增損唯倉庫百司及武臣外官未暇釐正云。五年十月宰臣賈昌朝陳執中言軍民之任自古則同有唐別命樞臣專主兵務五代始今相輔亦帶使名望

皇祐以下五
條移至元
祐三年
上

於國初尚緣舊制乾德以後其職遂分是謂兩司對持
大柄向以關陝未寧兵議須壹復茲兼領適合權宜今
西夏來庭防邊有序願罷兼樞密使從之七年三月進
宰臣陳執中為昭文館大學士監修國史即改判大名
府夏竦充樞密使以言者謂二人不當同為相也初降
制竦為相諫官御史言竦與執中在永興嘗論議不合
不可同為宰相故改命焉。皇祐元年六月詔中書樞
密院非聚廳毋得見客以御史言殿前都指揮使郭承
祐屢謁宰相陳執中於本廳坐久不退也。至和二年
五月詔中書公事自今並用祖宗故事施行初宰相劉
沆建言中書不用例而言者皆以謂非便而罷之七月

詔凡宰相召自外者令百官班迎之自內拜者聽行上
事儀國朝宰相蓋有故事其後多忤倒辭免至是文彥
博富弼入相御史梁倩請班迎於國門范師道又請行
上事禮然亦卒辭之嘉祐八年四月英宗欲命韓琦攝
冢宰躬行亮陰三年之禮執政皆以為不可乃告九月
二十四日詔今後中書應係申時後了畢文字除係急
速即批鑿急速字投進外其常程文字雖係當日內簽
印已圓並候次日早晨先作一番進入仍於封皮上用
黃貼子聲說係幾日申時後文字如次日遇假故亦須
次日早晨便進 英宗治平二年五月命宰臣韓琦曾
公亮權兼樞密院公事以樞密使富弼在告故也三年

五月十七日詔中書樞密院自今朔望會於南廳是月
帝謂宰相曰朕日與公卿等相見每欲從容講論治道
但患進呈文字頗繁所以不暇及中書常務有可付本
司者悉以付之自是中書細務上進熟狀及事有定制歸
有司中書降敕而已

宋續會要

中書省

元豐官制門下中書各增建後省以左散騎常侍左諫
議大夫左司諫左正言各一員給事中四員起居郎一
員起居郎即符寶郎二員設案六曰上案曰下案曰封
駁曰諫官曰記注曰符寶郎為門下後省以右散騎常
侍右諫議大夫右司諫右正官各一員中書舍人六員
中書舍人院即起居舍人一員
案曰制誥曰諫官曰記注為中書後省自中興建炎間
詔諫院不隸兩省又符寶郎步罷其後因舊制置門下
後省以給事中為長官四員為額專主封駁書讀錄黃
書黃錄白六曹奏鈔章奏房入進大字校吏部奏擬六

曹以下職事官任歷功狀僉押前者諸房大書封駁者
隨字給付門下者樞密院仍申知置令史一名書令史
二人守當官五人舊十守闕守當官二人舊十設案四
曰上案掌大朝會應行遣之事曰下案掌受付五案文
書之事曰封駁掌錄封駁文書及本省人吏試補之事
曰記注掌錄起居注事中書後省以中書舍人為長官
六員為額常除二員一以領吏房左選及兵工房一以
領吏房右選及禮刑上下房掌行誥命隨所領房命詞
定詞僉押前者諸房大書及召試人聚議選題試畢考
試定繳申三省置點檢一名舊一創令史二人守當官五
人舊六守闕守當官二人舊一設案四曰上案掌冊禮

及大朝會應行遣之事曰下案掌受付五案文書之事
曰制誥掌錄制詞及本省人吏試補之事曰記注掌錄
起居注之事又以起居郎一員下肆門起居舍人一員中肆
書專掌修起居注仍輪後殿及崇政殿和殿侍立有史
事應奏陳者並直前陳述及遇講筵亦許入侍云 高
宗紹興元年四月二十七日詔中書門下兩省已併為
中書門下省其兩省合送給舍文字今後更不分送並
送給事中中書舍人十月二十一日給事中胡交修言
朝廷日逐付下看詳文字舊係兩省給舍分輪看詳近
緣舊官多是差除見今獨負日力不給乞倒差兩省給
舍分輪看詳從之 二年九月十九日上諭輔臣曰今

注二字皆
者謂大興內
廢註二字寫
官注也今
只作口口

卷一百一十九

二

旦凡批降御筆處分雖出朕意必經由三省密院與已
前不同若或未當許卿等奏稟給舍繳注二字皆司中審朱
勝非曰不由鳳閣鸞臺蓋不謂之詔令呂頤浩曰所以
別於聖旨者欲上下曉然知陛下德意所鄉兼莫非寬
恤興兵機等事其違戾住滯乞並同聖旨一等科罪從
之十二月二十二日詔中書門下後省諫院官吏並依
舊赴三省內元置局處供職三年九月二十一日中
書舍人孫近言臣聞唐太宗嘗謂侍臣曰中書門下機
要之司詔勅有不便者皆須執論若惟書詔勅行文書
而已人誰不能國家循唐舊制分三省以建官上下相
維紀綱具在凡政令之失中賞罰之非當其在中書則

舍人得以封還其在門下則給事中得以論駁蓋先其未行而救正其失則號令無反汗之憾政事無過舉之迹自艱難以原始緣多事軍期機速不容畧刻淹延則得旨之後先以白劄予徑下有司奉行然後赴給舍書押降勅循習寢久凡擬官近獄之類一切徑下有司先次報行而給舍但書押已行之事而已苟啟擬之非其人斷刑之失其罪法度之更張有利有害賦役之調發有可有否雖欲論執封駁而成命已行於有司殆非兩省設官先其未行而救正其失之本意望申嚴舊制應非軍期機速事務並由兩省書押降勅行下庶幾小大之臣皆得舉職以無廢紀綱之舊從之

七年七月二

十七日門下後省言舊制君遇大禮車駕出外行權應所過御門每門差城門郎二人對立於諸門今遇明堂大禮乞賜指揮太常寺檢照昨在京係經由宣德朱雀南薰泰禮門後駐蹕楊州係經由駐蹕門逐門各係曾差城門郎二人對立詔令門下省依例差撥施行二十七日詔今後士庶獻陳利害令給舍子細看詳其可採者中書省取旨施行九年四月十日詔後省官朝退許出行宮北門二十六年九月十三日詔諸路監司郡守條具到裕民事可令給舍看詳二十八年正月二十九日詔給舍分書制勅並依自來條例一體施行八月十八日詔給舍今後遇有看詳文字並一面取索

所屬同議可否申尚書省取旨施行先是尚書省言臣寮
陳獻利害及守臣到任條具裕民等事送後省官看詳
若事涉文義便行與決其間事干銓選錢穀刑獄之類
止言欲送所屬曹部或相度施行切慮却有稽遲故有
是詔 二十九年閏六月十九日門下後省言本省吏
額守當官九人內四人以行減省之雖有試補條法緣
在省習學人未有立定私名額數試補不行乞依中書
後省將元裁定守闕守當官額內見闕人以私名五人
為額候習學詳熟依條試補如額內有闕許依條募試
從之 二十一年正月二十一日上諭宰執曰祖宗所
以置給舍正欲其拾遺補闕倘事有非是固當繳駁若

緘嘿不言豈設官之意然或有探人主意旨及附大臣
甚者至於不論臧否沽激取名此正仁宗裕陵之所戒
也十二月六日給事中兼侍講金安節起居舍人兼權
中書舍人劉珙言已降指揮車駕巡幸兩後省各差人
吏五人隨從前去續承指揮各差二人切緣逐省所掌
封駁制誥及朝廷付下機密看詳利害等文字事體至
重比其他官司不同切慮前路却到誤事望將元差人
數盡行隨從前去庶免闕誤從之 孝宗紹興三十二

年七月二十六日

己卯位未改元

詔今後直言上書並付中書

門下後省看詳有可採者申尚書省取旨 隆興元年
八月初五日門下中書後省言見管吏額法司各一人

令史各一人書令史各二人守當官各五人守闕守當官各五人今欲各裁減法司右修職郎劉彪將士郎韋友諒并守闕守當官張安禮董誘二人內法司侯指揮下日發遣歸部並乞依省罷法施行詔依見在人且令依舊將來遇闕更不遷補 乾道二年十一月十六日臣僚言崇寧在京通用法并紹興二十七年五月五日指揮給事中中書舍人起居郎起居舍人並禁出謁旬假日許見客其兩省官所掌書讀繳駁制誥記注等事盡是朝廷機密利害理宜謹密乞遵守條制施行從之 五年二月二十五日中書舍人汪洵言伏見神宗皇帝修定官制以中書為出令之地而門下審覆駁正然

後付之按中書舍人於制敕有誤許其論奏而給事中又所以駁正中書違失近年以來間有駁正或中書舍人給事中列銜同奏是中書門下混而為一非神宗官制所以明職分正紀綱防闕失之意詔令遵依舊制施行二十六日試中書舍人汪洙言竊以詔令之出始於中書又經門下審覆然後傳外謂之成命近年以來往往兩省書讀未定即以行下所屬或傳報於外非祖宗設置官司審重詔令之意乞詔令後詔令未經兩省書讀毋得出行及或傳報於外從之六年三月二十三日中書門下後省狀依指揮併省吏額見管二十六人欲減六人從之五月二十八日詔舊制設兩省言路

之臣所以指陳時政得失給舍則正於未然之前臺諫則救於已然之後故天下事無不理今任是官者往往以封駁章疏大頻憚於論列深未盡善自今後給舍臺諫凡封駁章疏之外雖事之至微亦毋致忽少有未當可更隨時詳具奏聞務正天下之事 九年三月二十一日詔進奏院依舊隸門下後省詳覲進

宋續會要

淳熙八年十月八日中書舍人施師點言封駁之地中書政令無所不關每遇書讀限以百刻一有除目倉卒至前無所質問乞遵三省舊制每有除目必具本官履歷於畫黃之首庶幾賢否易知不至經由國莽詔吏刑

部過後省取索差除官歷任功過毋得稽遲漏落 十
三年十二月九日詔中書後省減守當官一人御廚工
匠一人把門兵士一人剩負一人長行一人門下後省
減守當官一人御廚工匠一人看管雜役剩負長行一
人以司農少卿吳燠議減沉食下敕令所裁定故有是
命 嘉定十三年十一月十一日中書門下後省言兩
省官五員一員給事中見破衣糧親事官一十六名中
書舍人二員共破衣糧親事官一十七名起居郎起居
舍人每員各止破衣糧親事官三名每遇朝殿侍立講
筵等處委是闕人使用乞添置衣糧親事官一十二名
分撥赴起居郎起居舍人詔各添置六名